

# NGIMBA U MBEPO MWIKEMO

## ĀPĒGIGWE KULI FIKI?



Umwe muketile, Nkundwe Neville ikwitika kulāmbalika pamwanya kwa maboko.

Une ngukēta une ndinago mabili ga malālúsyo. Lilino, une nisa kwēga aga kilābo nkilo, 'nongwa yakuti une ngaya na kabalilo ukukētelamo mu gēne ikilo iki kuli umwe, lumo pa Ndumi ya kilo kya bumalikisyo. Lilino, linga aligwēsa ali ni lilālúsyo pa yiliyōsa ya Ndumi, itolo lambalika agēne lōsa ikilo kimokyēne, kangi une mbagile ukugapimba agēne mōsa nkilo ikikōnge.

<sup>2</sup> Lilino, kilabo nkilo une ngulonda ukubaga, pamo ukuya, ndigi, abalumbilili bamo, linga fyaali fyakubombigwa; linga mma, bamo abanunu, abakafu abanyāmbàla pamo abakīkūlu aba uswe tubagile ukukōlèla akabalilo ka lufūmbwo, ukuti nkabalilo . . .

Kilabo nkilo uswe tukwānda, ukufuma pa Ndumi, uku lāmbalélíka pamwanya amaboko, kangi, panongwa ya Mbepo Mwikemo. Kangi polelo, kwisakuyapo i . . . Ugwe uli nālo u lusako lwāko ulwa kusyāla papapa apa linga ugwe kunyonywa, gōsa ukukīndamo amasiku ga lutūsyo, linga ikyēne kikwēga ubutali bo lula ukufwa. Kangi polelo—polelo, linga mma, linga ugwe kunyonywa ukubūka ku kāya kāko, fiki, uswe tukusangalukága, linga ugwe ubagile ukuya nu buyo kūko ugwe . . . Itolo ukamanya kūko ukubūka . . .

Uswe tukulonda ukwega abalūmbilili bamo, imbalilo syābo, linga abēne bo bayāti; imbalilo syābo, kūko abēne bikwītūgāla, ukuti kūti uswe tubagile ukubāga abēne palapala itolo; nukwingisya yumo mu kāya, yumo mu kannīne, kangi yumo mu kannīne, ukuti abēne bābagile ukubapa umwe indagilo, umwe mwe mukulondesyaga u lusayo ulukulumba ulu ulu ukuti uswe tukuyobelapo, u losyo lwa Mbepo Mwikemo.

<sup>3</sup> Ikilo kya mmayolo uswe twayobaga, “iki Ikyene kyāli.” *Ngimba Mbepo Mwikemo Āli Yo Fiki?* Kangi uswe twākyāgile Ikyēne ukuya itolo kifuki kilikyosa, iki Kyala āfingile kwa uswe. Uu-huu. Mu Kyene uswe twākyāgile itolo iki i Kipanga kya Kyala kikufūmbwa. Uswe twākyāgile Ikyēne ukuya kifūngilo, u Nsūbisi, ubutūsyo, kangi ubusangalufu, kangi ulutēngāno, kangi ubusyūke. Kangi fyosa ifi Kyala aafingile ku Kipanga Kyake, kilambalele nkati mwa Mbepo Mwikemo.

4 Kangi lilino, ikilo iki, uswe tukulonda ukulumbilila pa, pamo ukuyoba pa, ukumanyisa pa . . . Une ndinryo kifuki fitatu pamo fina ifikalatasi fya sîmbo apa, pamo a Masîmbo, pa Ikyêne, mu iki . . . Nkilo kyâmmayolo une nâlilekile ilyângi i Konkodansi lya Cruden lilâmbalele apa, kangi une ngâlyêgile ilyêne mm. Kangi une itolo nafimbilisigwaga ukwenda ukukinda fyosa ifi une mbagile umwisyugu na Masimbo. Lilino, kangi kilabo . . . Ikilo iki uswe tukumanyisa pa: *Ngimba Yo Fundonki Ya Kyala Ukutuma u Mbepo Mwikemo?* Ngimba Ikyene kyo kya fiki? Linga Ikyene kyo kindu ikikulumba bo ulu, polelo nongwa ya fiki Kyala âtumile Ikyene?

5 Polelo, kilabo nkilo uswe tukulonda ukuyoba pa: *Ngimba Ikyene kya Ugwe?* kangi *Ngimba Ugwe Kukyâga Bulebule Ikyene?* kangi *Ngimba Ugwe Umenye Bulebule Akabalilo Kâko Ugwe Ukabûle Ikyene?*

Kangi polelo, ukufuma pâpo uswe tukumâlîsya ikyo, na Masimbo, ukulîngània ikyêni na Masîmbo, ukubômbèla a Masîmbo kuli fyôsa ifîndu, polelo bala bâbo bikundonda u Mbepo Mwikemo bisakwisa kunkyeni. Kangi une ngusûbila uluyigo lwândileko, ukufuma kabalilo kala ukubûka nkyêni, ukwêndeleta nkyêni polelo na Mbepo Mwikemo.

6 Lilino, ukuya ukuti kilabo nkilo bingi babagile ukwitugasya pa kabalilo ku fyûmba mu kipanga, Une ngwipilika linga uswe tubagile ukubâga a balumbilili babingi na bala abându bâbo bali nu bwîsibile ukulôngosya abându ku kwâmbilila u Mbepo Mwikemo, ukubakasya abene, ukubuka nkaya nu—nu nkikulu nu ndume gwake, pamo—pamo nu mundu yumo uyu ikundonda u Mbepo Mwikemo, uyu amanyisigwe kanunu pa isi syakubomba.

Linga umwe mubagile itolo ukupa imbalilo yâko ya fôni pamo alilêsi ku ntîmi, ikilo iki pamo kilabo nkilo. Itolo pâga ikyene kwa Nkundwe Neville, polelo ikyo kikutupokaga uswe ku kubûnganila nkati kuli u lukomano. Itolo pâga imbalilo yâko iya fôni kûko uswe tubagile ukukufikila ugwe. Kangi polelo yoba, “Une nisa kuyaga ngapo, kangi linga uswe . . . umwe mukulônda ukumbi/1ka une nkati nkâya kamo.” Linga ikyene yo—u nkikulu mwene, polelo uswe tubagile ukutuma unkikulu, muketile, ku nkikulu uyu. Kangi polelo, linga ikyene kili nkaya kûko aliko unnyâmbâla nu nkasi gwâke, fiki, uswe tubagile ukutuma u ndumbilili.

Kangi uswe tubagile ukuya bâkusângalâla ukuya na umwe ukupilikana, panongwa yakuti une mmenye ugwe guli, aligwesa, mwikyêlile mu iki, kyakulondigwa ukukinda-fyosa iki. Kangi kumbukilaga, “Umwene uyu ikupoka umoyo ukufuma ku busobi bwake, akupilile i filundilo fya bonangi.” Muketile? Kangi u Nsingiligwa gwa Kristi ali ni njala nu kumilwa. Umwene ali mbubabe, ukupa ubupapigwe ku bana ba Kyala.

7 Kangi lilino, ikilo iki, bo uswe tukāli ukubala a Masimbo, unko uswe twinamisye imitu gyitu itolo pakabalilo ku lwiputo. Kangi itolo bo tukāli uswe ukwīpūta, ugwe ni mitu gyītu gīnamisigwe, ngimba ugwe ubagile ukuya nu kusūma? Fyusya itolo ifiboko fyinu nukuyoba, “Kyala, une nubusisya ngufyusya amaboko gangu. Une ndi nu lufūmbwo. Une ngusuma ukuti Ugwe kundulaga une, O Ntwa.” Kyala abasaye aligwesa gwa umwe. Umwene ikuketa amaboko ginu. A Bandumi begile ifyakusuma fyabo pasi.

8 Kangi, Tāta Gwakumwanya, uswe lilino tukwisa, ukusegelela kwa Ugwe mu lwiputo. Iki, kisita kwīlāmwa ukuti u lwīpūto lutalile lutēndekīgwe pakati pa bāna ba Kyala ikilo iki, mbuyo ubunini ubu, kangi nukuti inyīmbo sīmbigwe, kangi uswe tufyūsisye indumbula syītu mu sekelo isyabuhobofu ku ndūfyo sya Kyala.

9 Davidi āyobīle umwēne ābagile ukwīsa mu kilundilo kya bīkēmo nukutēndēka ubusūme bwāke bumanyīgwe. Kangi ikilo iki, gālipo amaboko mingi. Lumo, pamo, une mbagile ukuyoba, malongo lwele mwa mia yumo ba bala aba bitugesye mu nyumba iyi ikilo iki bāfyūsisye amaboko gābo ku busūmo. Kikubonesya, Gwentwa, ukuti uswe tukabagila ukubuka itolo kisita Ugwe. Uswe tukufimbilisigwa ukuya na Ugwe, ilisiku ukwisila mu lisiku. Ugwe gwe Būmi bwītu, ubuhobofu bwītu, ubukafu bwītu, amaka gītu gatukyūnga, ubwīkasye bwītu, ingwāmba yītu, u kikīngo gwītu ukufuma ku ndugu.

Kangi uswe itolo tulinkutoligwa ukulwa ubwite ubu ubwa būmi kisita Ugwe. Ikyēne kibagile ukuya mōsa kisitakubagila kuli uswe ukubōmba ikyēne, kangi uswe tukufimbilisigwa nukusūbīla pa Ugwe. Kabuno, uswe tumenye ukuti uswe tukwēnda ukwisila mu kyāngīsī kangi ikīsu ikisisya. Pa lubafu lulilōsa undugu ikututamia uswe, pa kupa ifipīngo ni fitēgo. Injila syītu, Ntwa, fibīkīgwe fiswīle ni fitēgo fya ndugu, ukusulumanisya uswe.

10 Kangi uswe, nūswe, ku bumalikisyo bwa nsebwe uswe tuli nalo ulutali, ulwamisyūngūlu ulukubo ulu lukubilikigwa bufwe ukwēnda ukukīndamo. O Ntwa, ywani abagile ukutukolaga amaboko gitu polelo? Uswe tukulonda ukukumanya Ugwe lilino, Ntwa. Uswe tukulonda ukumanya ukuti Ugwe uli na maboko gītu, kangi uswe tuli ni kiboko Kyāko, ukuti uswe tuli nabo bula ubusisimikisya ubukimigwe ukuti akabalilo kāko uswe tukwīsa kula kukabalilo akakulumba aka bumalikisyo bwa būmi bwītu, ukuti ukwīngila nkifigo kila ikikōleligwe bufwe, ukuti uswe tubagile ukuyoba nu mwīkemo ugwa iyolo, “Une nummenye Umwene mmaka ga busyuke Bwake, kangi une mmenye ukuti akabalilo kako Umwene ikukolela, une ngusookakaga ukufuma mbafwe.”

<sup>11</sup> Lilino, Tāta Kyala, uswe tubagile ukusuma ukuti Ugwe kusayaga ukusuma kwitu nu kubungana kwitu. Sayaga a Masyu Gāko. Kangi linga une mbagile ukuyoba kalikosa aka kabagiile ukuya kakindane ku Lisyu Lyako pamo ubwigane Bwako, Ugwe ukāli uli na maka ukwīgāla akanwa, mūmo Ugwe gwābōmbelāga mu mbako ya ngalamu akabalilo kāko Danieli ālipo. Kangi uswe tukusuma, Ntwa, ukuti Ugwe kwigulaga imbulukutu ni ndumbula ikilo iki, ukuti, kangi ukupela mu bēne i njala ni kyumilwa. Bali yaga abēne bākūmilwa fiyo mpaka abēne bakabagila ukugona pamo ukutūsyā, napamo, mpaka u Nsūbisi isile.

<sup>12</sup> Uswe tukwitika ukuti uswe tuli nu bumi mmasiku ga bumalikusyo, mu nsyūngūlu gwa Kwisa Kwake. Kangi ikyo kyo iki i Ndumi isi sitalulilēko, Ntwa. Ikyēne kyo kuli abāndu ukwegako ulupilikisyo, ukwegako ukusōka. Kangi tuli, ikilo iki, uswe itolo tulikwabilaga panja pa likalang’sa, lululu lilino, ukulilāmbalika pa lubafu lwa kikota, tukuyoba, “Ntwa Kyala, une ne kyākwambilila kwa Ugwe. Unko Mbepo Gwāko ayefukilege ukwisila mwa une. Būmbaga une kangi mbelaga une ukufuma ku bwīgane Bwāko. Une ngwilambikaga indumbula yangu, amaka gangu, fyosa gwāngu, ku nongwa Yako.”

<sup>13</sup> Tupilikaga uswe, Ntwa. Uswe tukaya apa ukuti tukētīgwe, pa kilo iki. Uswe tukaya apa itolo kuli buyo nabumo ubungi ubwakubukako. Uswe tuli apa kuli bumobwēne ubwanaloli-ndumbula, ubusisya, ubwigane ubwikemo nu ndumbula syitu, uko ko, kusegelela kifuki kwa Ugwe, tumenye ukuti Ugwe ufingile linga uswe tukusegelela kifuki kwa Ugwe, Ugwe ubagile ukwisa kifuki na uswe. Kangi iyo yo nongwa uswe tuli apa. Umwene uyu ikwisa ukuya ni njala atisakusōkamo ni njala. “Basayigwa bo bene aba bikuya ni njala ni kyumilwa kuli ubugolofu,” alinkuyoba Yeso, “kabuno abene bisakwikutisigwaga.” Kangi linga uswe tukusūma u nkati, uswe tutisakwāmbilila ibwe. Uswe tuli nu busisimikisi bula. Kangi linga uswe tukusūma iswi, uswe tutisakwāmbilila i liyoka. Lōli, Kyala gwitu Tata ikutuswilaga uswe na Mānna ga Kumwanya, i Lisyu Lyake kangi u Mbepo Gwake uyu abikile ubuketi bwa Umwene. Amūla inyīpūto syitu, Ntwa, kangi ifyakusuma fyitu, bo uswe tukukīndilila ukugūlila pa Ugwe. Mu Ngamu ya Yeso Kristi uswe tukusuma. Ameni.

<sup>14</sup> Lilino, umwe mwe mukukyungaga a Masimbo aga pāsi, linga umwe mubagile ukusanuka na une kwa Mwikemo Yohani kangi, unto gwa 14. Uswe tukulonda ukwanda pa ntu gwa 14 gwa Mwikemo Yohani. Kangi unko uswe twānde kifuki ilinandi lya 14, Mwikemo Yohani 14:14, nukubala itolo akayabo ka Lisimbo ili. Lilino, mu iki ugwe kwisakwāga kingi fiyo ikya nongwa une ngulōnda ukuyoba pa kilo iki.

<sup>15</sup> Kangi kumbukilaga, umwe mwe muli nago a Mabangeli aga masimbo-makesefu, ikyene kili mbukesefu, iki kili. Ikyène kyo Masyu aga Yeso Mwène âyobilepo, popâpo polelo uswe tubagile ukutûsya nubusisimikisi ukuti ikyène kisa itolo ukuya bo mûmbo Umwène âyobile. “Kumwanya na pasi fisakumalikaga, loli i Lisyu Lyake litisakutoligwamo siku.”

Lilino uswe twisakubala ukufuma ku linandi lya 14 ilya ntu gwa 14.

*Linga umwe mwisakusuma ikindu kilikyosa mu ngamu yangu, une nisakubombaga ikyene.*

Lo lufingo luki ulusayigwa!

*Linga ugwe kungana une, kyungaga ingomelesyo syangu.*

*Kangi une nisakusûmba u Tâta, kangi umwène isakubapa umwe u Nsûbisi uyûngi, ukuti umwène abagile ukwitugásya na ugwe bwilanabwila;*

*Yópe u Mbepo gwa bwanaloli; yûyo i kîsu kikabagila ukwambilila, nongwa yakuti ikyene kitikumbona umwene mma, . . .*

Lilino, umwe mwe mukubala ukufuma ku i Bângéli lya kiGiriki, mubagile ukukibona ikyène nkati muno, komma . . . Kêta kula kokuti “ukupilikisya.” “Kabuno ikîsu kikumpilikisya Umwène mma.” Ikyo kyo kyâbwanaloli fiyo. Unko une mbále ikyène kangi lilino.

*Yópe u Mbepo gwa bwanaloli; yûyo i . . . bwanaloli; yûyo ikîsu kikabagila ukwambilila, panongwa yakuti ikyène kitikumbona umwène mma, pamo nukumanya umwène: lôli umwe mumenye umwène; (Ywani? U Nsûbisi.) kabuno umwene ikwitugásya na umwe lilino (i tensi ya mwisyugu), . . . umwene ikwitugásya na umwe, kangi isakuyaga mwa umwe.*

Ngimba Ikyène kyo fiki? U Nsûbisi yulayula.

*Une ndisakubalekaga umwe kisita busûbisi: Une . . .*

Aligwesa amenye ukuti “Une” yo pulonauni ya ubwenenakyo.

*. . . Une ngwisa kwa umwe.*

*Lôli pa kabalilo kanini, kangi i kîsu kitikumbonaga une kangi mma; lôli umwe mwisaku. . . lôli umwe mukumbona une: panongwa yakuti Une ndimûmi, umwe mwisakuyaga bûmi nûmwe.*

*Pa lisiku lila umwe mwisakumanya ukuti Une ndi mwa Tata gwangu, kangi umwe mwa une, kangi Une mwa umwe.*

Apo po pakuyaga pakati pa linogòno lyāngu, lōli uswe tukuyaga pakubala pabutalipo panini. Unko une mbale ikyo kyōpe lilino, kangi.

*Pa lisiku lila (ilisiku ilikulumba, ilisiku lya bulongi), ilisiku lila umwe mwisakumanya ukuti Une ndi mwa u Tata, kangi umwe mwa une, kangi Une mwa umwe.*

*Umwēne uyu ali ni ngomēlēsyo yāngu, kangi ikyūnga isyēne, umwēne ikyēne kili uyu ānganile une: kangi umwēne uyu ānganile une isakuganigwaga na Tāta gwāngu, kangi une nisakunganaga umwēne, kangi nisa kwibonesya nimwēne ku mwēne.*

*Yudasi āyobīle ku mwēne, komma Iskarioti, Ntwa, ngimba ikyēne kili bulebule ukuti ugwe kwisa kubonekela pabwelu kwa uswe, kangi komma ku kīsu?*

Uko ko, *kosmos*, u “lubātiko lwa kīsu.” Linga umwe mukuyaga nu kubala kwapalubafu apo, umwe mwisakukētēsya. Ikyangu go “g,” kangi ilyēne likuyoba kubwa kuno, “*kosmos*, pamo ulubatiko lwa kīsu.” Ikyo kyo fipānga, na fyōsa bo ifyo, muketile.

*...ngimba ikyene kyo bulebule ukuti ugwe kwisakwibonesyaga gwimwene kwa uswe, kangi komma ku bene? Ugwe ubagile ukubomba bulebule ikyene?*

*Yeso alinkwamula kangi alinkuyoba ku mwene, Linga u mundu anganile une, umwene isakukyungaga a masyu gangu: (ameni) kangi Tāta gwāngu isakunganaga umwēne, kangi uswe twīsakwisaga mwa umwēne, nukutēndeka ubwitūgāsye na umwēne.*

*Umwēne uyu atikungana une atikukyūnga ifyakuyoba fyāngu: . . .*

Abagile ukukyūnga ifyakuyoba fya kipānga; lōli kyūnga isyakuyoba Fyāke, umwe muketile.

*...kangi a masyu aga umwe mukupilika gakaya gāngu mma, loli u Tāta uyu ālindumile une.*

*Ifīndu ifi mbōmbīle une njobīle kwa umwe, ukuya ngāli ndipo na umwe.*

*Lōli u Nsūbisi, uyu yo Mbepo Mwikemo, yūyo Tāta isakutuma mu ngamu yāngu, umwēne isakubamanyisyaga umwe ifīndu fyōsa, kangi ukutwala ifīndu fyosa ifi (ifi fyō, a Masyu Gake) ku bukumbukilo, kilikyosa iki Une njobīle kwa umwe.*

Yo fundonki iyi Kyala atumaga u Mbepo Mwikemo polelo? Umwene ali ongelelaga isayo Syake ku Lisyu Lyake.

<sup>16</sup> Yeso āyobīle, ukuti, “Pa lisiku lila umwe mwisakumanya ukuti Une ndi mwa Tāta, kangi u Tāta ali mwa Une; kangi umwe

muli. . . Une ndi mwa umwe, kangi umwe muli mwa Une.” Lilino, linga uswe twayaga pakuyoba iki. . .

<sup>17</sup> Lilino, kumbukilaga, iki kikuyaga pa tepi.

Unkyulusi gwa kiKristi, ukufuma mu Louisville, angōlile une pitāsi. Kangi umwene alinkuti, “Ikyene kyo kikosyasoni, Billy, ukuti i Ndumi isi, mumo ugwe gwāyobile ikilo kya mmayolo, sitikufika ku maelifu malongo mana apa mbuyo bwa abāndu mia yumo na malongo mahano, pamo abamia babili, batatu pa kapanga kāko akanini.”

<sup>18</sup> Une ndinkuti, “Nkulumba, mu myēsi mihano na gumo ukufuma lilino, linga Yeso ikukābila, ikīsu kyōsa ukusyūngutīla kisakupilika iki.” Muketile?

Amatepi gala gikubuka nkisu kyosa, muketile, mosa ukusyungutīla. Kangi, polelo, uswe tukumanyisya apa lilino itolo ifi uswe tukwitika ukuya Bwanaloli, kangi ifi uswe tusyagenie ukuti Kyala asisimikisye ikyēne kwa uswe ukuya Bwanaloli.

<sup>19</sup> Lilino, u bwīgane, fyo fiki fyāli—fyo fiki fyāli bwīgane bwa Kyala mu kutuma u Mbepo Mwikemo? Lilino, une mbagile ukung’wāla ikyo pāsi, Yohani 14, ukwandila pa linandi lya 14, nukubala ukwisila mu ntu, kuli u lwālo. Ifundo ya Kyala, uswe tukwaga apa, mu kutuma u Mbepo Mwikemo, bwāli bwīgane bumobwēne, ukuti Kyala Mwēne ābagile ukwitūgala mu Kipānga Kyāke nukukīndilīla ulubātiko Lwāke ukwisila mu Kipānga.

Ukuti, Kyala āli mwa Kristi, ukukīndilīsa i mbātiko syāke ukwisila mwa Kristi; ukufuma mwa Kristi, nkati mu Kipanga, ikukīndilīsa imbombo Syake ukwisila mu Kipanga.

<sup>20</sup> Lilino, uswe tumenye iki u Mbepo Mwikemo ali. Uswe tukusyagania, ikilo kya mmayolo, ukuti Umwene yo Kyala.

Lilino, akabalilo kako uswe tukwinogona isya Kyala, Tata, mumo Yeso āyobelaga apa, Tata Gwake; Kyala, u Mwanundumiana, mumo Yeso; Kyala, u Mbepo Mwikemo, mumo uswe tukukikōlela Ikyene umwisyugu, lilino, ikyo kitikusanusya ukuti bulipo ubūndu butatu, aba Kyala abakīndāne. Ikyene kikusanusya ukuti aliko u Kyala yumoywene mbubombelambombo mutatu.

Tuliyoba uswe ikyene bo ulu. Fyosa ifi Kyala aali, Umwene alyonile mwa Kristi, panongwa yakuti Umwene alisukwīle Mwene nu konelela Ikyene mwa Kristi. “Kangi Kristi aali bwisusye bwa Bwakyala mu mbili.” Fyosa ifi Yehova aali, Umwene aalyonile mwa Kristi.

Kangi fyosa ifi Kristi āli, Umwene ālyonile mu Kipanga; komma mwa yumoywene pamwene, loli mu Mbili gosa. Kula, kuko uswe tukwisa palikimo mbumobwene, uswe tuli na Maka.

Fyosa ifi Kyala āli, āli mwa Kristi; kang'i fyosa ifi Kristi āli, ali mwa ugwe.

“Kabuno Kyala ātendekígwe ukuya mbili, nukwitugala na uswe.” Timoti Gwāk wánda 3:16, linga umwe mukusímba ikyène pāsi, “Kisita kukanikana bukulumba bo bwakubutítu bwa bunyakyāla: kabuno Kyala abonike pabwelu mu mbili, kang'i uswe twālimpalamasisye Umwēne. Kyala, Yehova, ātendíke umbili, kang'i nukwenda pa kīsu, kang'i uswe twālimbwene Umwene na maso gitu.”

<sup>21</sup> Umwe mumenye, mu ntu gulagula, gwa Yohani 14, Filipu alinkuyoba, “Ntwa, tunāngísya uswe u Tāta, kang'i ikyène kisakutwíkutisýaga uswe.”

<sup>22</sup> Yeso alinkuti, “Une ndi kabalilo katali fiyo na ugwe, Filipu, kang'i ugwe utikumanya Une? Akabalilo kāko ugwe umbwēne Une, ugwe umbwēne u Tāta. Kang'i fiki kuyoba ugwe kwa Une, “Tunāngísya uswe u Tāta?”” Kyala ātendekígwe ukuya mbili.

<sup>23</sup> Lilino apa ikyene kili. U Tāta āli Kyala pamwanya pa ugwe, uswe tukuyoba. Uswe twāli ukufuma kwa Adam. Kyala, u Tāta, āli pa Mōse na bāna ba Israeli, mu Mbanda ya Moto. Polelo, Kyala na uswe, mwa Kristi; alinkwenda na uswe, āyobilepo na uswe, ālile na uswe, agonaga na uswe. Kyala pa uswe; Kyala na uswe; kang'i lilino Kyala mwa uswe. Fyosa ifi Kyala āli, fisile mwa Kristi; fyosa ifi Kristi āli, fikwisa mu Kipanga.

Ngimba ikyene kyo fiki? Kyala ikubomba mwa ugwe. Paliposa nkisu iki Umwene ikulonda ukukukolela pa ugwe, ugwe uli palapala pala, ukubomba mwa ugwe ukubomba ubwigane Bwake ubununu. Mumo uswe tukulondigwa ukumpalisya Kyala panongwa ya ikyo! Kyala, u Mbepo Mwikemo, atumigwe ku nongwa ya Kyala ikwitugasya mu Kipanga Kyake, ikwēnda ukukīnda mu ngulilo yiliyōsa, ikubōmba u bwígane bwāke u Bwakyala.

<sup>24</sup> Akabalilo kāko u mūndu ikukuseka ugwe, abēne batikukuseka ugwe mma, abēne bikunseka Umwēne uyu ākutumile ugwe. Popāpo Yeso alinkuti, “Basayigwa mwe umwe akabalilo kāko abanyāmbála bisakuyobága uluko lōsa lwa bubibi ukulwana na umwe, nubusyobi, panongwa ya Ngamu Yāngu. Basayigwa mwe umwe.” Kang'i, kang'i, “Bosa aba bikuya nu bumi bwabunyakyala mwa Kristi Yeso bisakukubilwaga ubufwimigwe.”

Kabuno, akabalilo kako Kyala ālipelile Mwene ukumanyigwa mwa Kristi, abene bālimbēngile Umwene. Ywani ālimbēngile Umwene, mbubibi-fiyopo? I kipanga. I kipanga kilinkumbenga Umwene, mbubibi fiyo. Abene balinkumbenga Umwene ukuya kibibipo ukukinda u—u kinwelwa. Abēne bālimbēngile Umwēne nububibipo ukukīnda abāndu bōsa. Ikyène kyāli kipānga iki kyālimbēngile Umwēne. Popāpo, polelo, akabalilo kāko ugwe kukēta *kosmos*, “Ulubātiko lwa



kĩsu, i kĩa kikālimmenye Umwēne,” kikusanusya, “i kipanga,” kikōleligwa-mumo, “kikālimmenye Umwene mma. Umwene ālisile ku Bāke bēne, kangi a Bāke bene bakālimmwambilile Umwene mma.”

“Lōli na bu bwĩngi bwa aba bālimmwāmbilile Umwēne, ku bēne alinkupa Umwēne amaka ukuya bānabalumiána ba KƳala, ku bēne bābo bālītike pa Ngamu Yāke.” O, mūmo uswe tubagile ukungana Umwene nukummwiputa Umwene! Ubwīgāne bwa KƳala, ikulonda ukwisa mbulilanisi!

<sup>25</sup> Bo, bo uswe tukāli ukusōkamo mbusĩmbe bula, unko uswe tubōmbēle iki; mmasiku ga Ruti, mu lulagilo lwa butabulo, akabalilo kāko Naomi āsōkilēko nkĩsu, panongwa ya lugelo, utubalilo utukafu. Umwene alinkubuka nkisu kya Moabu, iki itolo kyāli balūngule, baKristi abangamu itolo. Panongwa yakuti, aba Moabu bāfumilaga ku mwanundindwana gwa Loti, kangi abene bāli bitiki abakoleligwa-lulo, kangi bafuluganisigwe. Kangi polelo undume gwāke āfwile, kangi abānabalumiana bāke babili bāfwile. Kangi pa nsebwe ukubuka ku kāya, Naomi. . . Ruti na Naomi, pa nsebwe gwake kukaya, umwene. . . Yumo mwa bakwamwana bāke, Oripa, umwēne āyobīle ukuti umwēne isakugomokelāga ku kĩa kyāke, ku bakyāla bāke, kangi ku kipanga kyāke, kangi ku bānda bāke. Kangi Naomi aagelile ukweega Ruti ukugomokela, loli umwene alinkuti, “Abandu bako bo bandu bangu. U KƳala gwako yo KƳala gwangu. Kūko ugwe kufwa, kula une ngufwaga. Kūko ugwe usyiligwe, kula une nisakusyiligwa. Kangi une ndisakusyumbutuka ku nyuma.”

<sup>26</sup> Ako ko kabalilo kāko u mūndu akolile i mboniboni. Kitikupela ukukindana kulikosa iki abandu bake bayobile, “Ugwe kubukaga ukukilania ukuya mbunguluka-mwikemo pamo ikindukimo.” Kila kikāpelile ubukīndāne nabumo kwa Ruti. Pala bwālipo u bwīgāne bwa KƳala ukufwānikisigwa.

<sup>27</sup> Kangi itolo nubusisimikisye mumo ugwe kuyīla ni njala ikilo iki panongwa ya Mbepo Mwikemo, ikyene kyo kindukimo mwa ugwe, ukukukwāba ugwe, ukuti u bwīgāne bwa KƳala mbumi bwako bukufimbilisigwa ukufwanikisigwa, itolo mumo ukwene kwāyilile na Ruti.

<sup>28</sup> Akapango kamogi fiyo! Une itolo ngabagila ukukaleka akēne, pa kabalilo. Umwe mumenye ululagilo lwa kutabuligwa, ukuti akabalilo kako Boazi. . . Umwe mumenye akapāngo ka mūmo Ruti akwāngulāga mu ngūnda nukwāga ubuganigwa na Boazi. Kangi bo umwēne akāli ukummwēga umwēne, umwēne alinkufimbilisigwa ukutabula fyōsa if Naomi ātāgile. Kangi umundu yumoywēne uyu ābagile ukutabula ifyūma ifigwāno ifya Naomi, mu lulagilo lwa butabulo, āli u nkamu ugwakifuki; bāfimbilisigwāga ukuya bakamu bo akāli umwēne ukubagila ukutabula. Kangi bala bāli bakamu abakifuki-fiyo.

Kangi umwene alinkufimbilisigwa ukutendeka ikimanyilo kya kilundilo, panja pa kipata, pamo ukufumunya kwapakilundilo ukuti umwēne ātabwīle fyōsa ifi Naomi ātāgile. Kangi Boazi ābōmbile ikyēne ukwīsila mu kubāyania ikilato kyāko pankyēni pa bakulumba, kangi alinkuti, “Linga alipo aligwēsa apa uyu ali nako kalikōsa aka ko ka Naomi, une ilisiku ili ndabwīle ikyēne.”

<sup>29</sup> Kangi iyo yo njila iyi Kyala ābōmbile, akōngesisye indagilo Syāke Mwēne. Kyāla akabagila ukukōnga, ukupa ugwe ululagilo lumolwēne ukukōnga kangi Umwēne ukukōnga ulūngi. Umwēne ikukōnga indagilo Syāke Mwēne. Polelo, Kyala, ukuti atabule i kipānga ikiyōnge, ikīsu ikiyōnge, ikipeligwa ikiyōnge; Kyala, Uyu yo nsitampaka mwa Mbepo, ukutabula uluko lwa bandu abasobi, Kyala Mwene alinkuya nkamu, u Nnyambala, u Mwanundumiana uyu Umwene āpelīle mūnda mwa Maria. Kangi polelo Umwēne ātēndīke ikimanyilo, pamo ubukēti; panja pa fipata fya Yerusalemu, Umwēne alinkufyūsigwa mmwanya pakati pa myānya ni kīsu, kangi alinkufwa, kangi alinkutabula kilikyōsa. Kangi mu kusōk’īlilopa, Umwene alinkukemesya i Kipanga iki Umwene Mwene abagīle ukwitugasyamo, nu kulilanalana nu kulilanalana nabo, iki kyātāgile ubuyo bwa bulilalanisi ukufum mu ngūnda gwa Edeni kūko Kyala isaga pāsi amayolo galigōsa, akabalilo ka kipānga.

Ngimba umwe mukētesisye? Kyala isaga pāsi mbutalalifu bwa lisiku, ukwīngila kwa lisuba. Kilipo ikindukimo ukufwana na kabalilo kāko ikyēne kikwānda ukufika nkilo, abāndu bikwinogona isya kipānga na isya Kyala; Bakristi. Ugwe kukēta i lisuba likwīngila, ugwe kusyāgānia ukuti ilisuba lyāko likwīngila.

<sup>30</sup> Kangi mbutalalifu bwa namayolo Umwēne ālisibile ukwīsa pāsi nukulilanalana na bēne. Kangi pala Umwēne ātāgile ubulilalanisi bula, panongwa yakuti ubutulwanongwa bukabagīle ukummwitikisya Umwēne ukubōmba ikyēne.

Kangi polelo Umwēne ātēndekīgwe ukuya mbili nukwitugasya pakati pa uswe, ukuti Umwēne ābagīle ukugomokela kangi ku mūndu, nukwitūgānya mu mūndu, nukupyanikisya u mūndu ku kayīle ka bulilalanisi nu Mwene kangi, nukumpa umwene ukugomokesya u bwābuke ubupīgwe-na-Kyala. Ikyo kyo iki Umwene ābombīle.

<sup>31</sup> Iyo yo fundo ya Mbepo Mwikemo. Ikyēne yo Tāta, kāngi, Kyala Tāta ikwītūgala mwa ugwe, ikubōmbabōmbo ulubātiko Lwāke, ukumālisisya ulubātiko Lwāke lwa butabula; ikubōmbela mwa ugwe, ikukupela ugwe u mbōmbi-ntuli na Umwēne; ukukupela ugwe u buyo, ukukupela ugwe a kayabo kuli ungwāno gwāko, unjōnge unkūndwe pamo kalumbu; ukubapa umwe u Mbepo Gwake nu lugano Lwake, ukubuuka ukufwima abajōnge, muumo Umweene aaboombile mu ngunda gwa Edeni. “Adam, Adam, ngimba ugwe uli kugu?” Ikyo kyo iki u Mbepo Mwikemo

ikubomba ku nnyambala pamo u nkikulu. Akabalilo kako Ikyene kikutika mu ndumbula syabo kangi kikwega u bwitugasye Bwake, kilipo ikyūmilwa ni njala panongwa ya myoyo imisobi.

Iyo yo ndamyo ni ngomano umwisyugu. Kukayapo ukwakufwana ukupalamasya-kwa-Mbepo mu kyēne, ukubūka kuli imyōyo gwa batāgīgwe na aba bikufwa. Ukwene ko kunywāmupo ukutendeka i ngamu, pamo i kipanga, pamo i nyumba, pamo i kipanga-kipāgūke, mbuyo bwa mbātīko ya kukaba-myoyo. Syakitima bulebule! Uswe twābagile ukusyāla pa ikyēne fiyo.

Kyala ālilyonile Mwene mwa Kristi. Kotalusya.

<sup>32</sup> Kristi ālilyonile Mwene mu Kipanga. Polelo, lilino kētēsya, “Pa lisiku lila umwe mwisakumanya ukuti une ndi mwa Tāta, kangi umwe muli mwa Une, kangi une ndi mwa umwe. Pa lisiku lila ugwe kwisakumanya ikyene.” Kabuno, ikyēne kyo, i kindu kyōsa kili pa lubākano lwa butabulo lukusuluka pāsi, ukuti Kyala ikwīsa ukugomokela ukwītugala nkati, nukwītugāla nabo, nukwāngāla na bāndu Bāke, bo mūmo ābōmbile ku bwāndilo.

Lilino, polelo, akabalilo kako Umwene ikwēga i Kipanga Kyake mbubombelo bwa kuyoba, ikukyēga i Kipānga Kyāke ku buyo bwākuti Umwēne abagile ukwēndelēla Mwēne ukukīndāmo, nu lugāno, nu kupepeka, nu bulilanisi, polelo apene pikwisaga Edeni. Umwēne isakwēgāga i Kipanga Kyāke ukugomokela kūko Ikyēne—Ikyēne kyālindekile Umwēne, ukugomokela ku Edeni kangi, pala kūko Ikyēne kyāgwīle. Ikyēne, lilino...Kula ko kūko Ikyēne kyātēndike ukwānda kwāke, pamo ukugwa. Kula ko kūko Ikyēne kisakwēgeligwāga ukugomokela kulakula, ni sahani yiliyōsa insukigwe ya butabuligwe, ukubatwāla abēne ukutalula ukugomokela ku buyo bula kangi.

<sup>33</sup> I Kipanga kili nkīsu ku kabalilo kamo. Kangi i Kipanga, naloliloli, ukufuma pa Butendekési, ubwa fyinja elifu na sinda gwa ngulilo isya ngīsi. . . Luteri āli yo ntēndekesi gwākwānda ukusōka panja ukufuma ku kabalilo ka batumigwa. Kangi polelo akabalilo kāko Luteri ikwisa panja, Kyala alinkunyatuka pa kayabo kanini ka Mbepo nu konelela Ikyene panja pamwanya pa Kipanga, mu bwītikisīgwe. Kangi polelo mmasiku ga Wesley, Umwene ōnile panja panini ukongelelapo ifya Mwene, mbukemesigwe. Kangi mūmo i ngulilo yikūlīle nkyēni, ku kabalilo ka bumalikisyo, Kyala isusyaga i Kipanga Kyāke. Itolo kēta ukusyūngutīla nukusyāgānia linga ikyo kyo Bwānalōli, pamo mma.

<sup>34</sup> Kēta ku ngulilo ya kiLuteri, umwe mwe mukubala isyambukulu, kēta ku lusanio lwabo na iki abene bābombile. Kēta bo bukulumba bwīngipo buki ulusanio lwa kiWesley lwāli, go maka mingipo bulebule abēne bāli nago, lōli mbunāndi.

Kētésya mmasiku ga Pentekosti, lo luyigo luki ulu abène bāli nalo polelo, kyo fiki ikikulumba, kipapate kikupyāgila.

<sup>35</sup> Yópe, *Unjāti Gwitu Gwapandungu*, i kalatasi ya Katolika, yikupa ukulāta ukuti aba kiPentekosti bātwele imbīndūko elifu-elifu yumo na baelifu bamia bahano nkyīnja kimokyēne, kyātolile fyōsa ifingi ifipānga palikimo. U Katolika itolo alinkusanusya, alinkwiobela, elifu-elifu yumoywēne. Nkati mwa yabo bēne *Njāti Gwapandungu*, ikalatasi yakubilikigwa *Njāti Gwapandungu*, yāpēle ubuyobelo bula ukuti aba kiPentekosti babatolile abēne.

Kangi, kumbukilaga, imbinduko sya kiPentekosti syo mbīndūko inyīsusigwe-na-Mbepo-Mwīkēmo. Mbunāndi, ukwānda itolo, mu lubafu lwa ndukindi-lufwāno panja pala, ni limo—i lyaiyolo iligitala. Kangi abakikulu balinkutoligwa ukufwānisya akapāmba kamo ka mastokeni. Balāmbalele panja pa misebwe gya sitima, nukusala mōsa ifilōmbe nukupūla ikyēne, nukutēndēka u nkati kuli abāna bābo. Loli ikyene kisile ukuya fiki? Ikipanga kimile-na-maka-fiyo nkisu umwisyugu, komma mmaso ga kisu, loli mmaso ga Kyala, panongwa yakuti Umwene ikusisimikisya ikyene ukwisila mu iki Umwene ikubombela abene. Umwene ikwiyozelela Mwene mu bene, ukōnelēla Ikyene nkati.

<sup>36</sup> Kētésya lilino iki kyābonike pa buyo, Kyala ikwiyozelela Mwēne mu bēne. Lilino i Kipanga kifikile pa buyo, ukufuma kwa Luteri, Wesley, kangi ulusasio luli pa Pentekosti; kangi lilino mu ngulilo iyi yiyo uswe tukwisamo lilino, ukwisila mwa Mbepo Mwikemo yulayula, ukongelelapo itolo isya Umwene. Lilino, akabalilo kāko bala abaLuteri kunyuma kula bāpokigwe, abēne bali ni kiyabo kya Mbepo Mwikemo. Akabalilo kako aba Methodisti basukigwege, kila kyāli kyo mbombo ya Mbepo Mwikemo. Muketile, ikyene kyāli kiyabo kya Mbepo Mwikemo. “Abene kisita uswe bakapeligwa bapelelesye,” likuyoba i Lisimbo. Muketile?

<sup>37</sup> Lilino, Kyala, bo u Lumuli lukwānda ukumulika mmasiku ga bumalikisyo, Umwēne ikutugūlila uswe, ikindu ikikulumba ukufuma kwa uswe. Panongwa yakuti, “Kuko filipo fingi ifi fipigwe, filipo fingi ifi fikugūliligwa.” Popāpo Umwēne isakugūlilāga ifingi ukongelelapo ifya uswe ukukīnda Umwēne ābōmbile ukufuma ku ba kiLuteri pamo aba kiMethodisti, panongwa yakuti uswe tukwenda mu Bwelu ubukulumbapo, na Maka amakulumbapo, nu bukulumbapo. . . u—u nketi u nkulumbapo ukukinda mūmo abene bāli nayo. Lilino, uswe tuli nagwe unketi unkulumbapo ugwa busyūke. Uswe tuli nafyo ifindu ifikafupo, ifisimikisye pingipo ukukīnda mūmo abēne bāli nakyō.

<sup>38</sup> Loli ikyene kifwene itolo bo une njobile ku koleji ya Luteri, pakaya patali’mma.

Abene balinkuti, “Ngimba uswe tuli na fiki?”

Une ndinkuti, “U mündu äbyële u ngunda gwa kilômbe. Amâni mabili amanini agakwânda galinkusumuka, kangi umwene alinkuti, ‘Ndaga u Ntwa pa ki—kibyâlîgwa kya kilombe!’ Mbugûlile, umwene äli nakyo ikyene, löli umwene äli nakyo ikyene mbubûmbe bwakwândana. Panandi na panandi, ikyene kinkwîsa ukuya mbîfwa.”

Kangi ubulenge bukusôka panja pa kyene, iki kyâli kiMethodisti.

<sup>39</sup> Linga ugwe kukêtésya ikipeligwa, ugwe kwisakukêta Kyala ikubômba. Kilipo ikyakubutîtu kilâmbalêle pala iki kikubûka nu butumîgwe bwângu. Muketile? Ikyo, ukukêtésya ikipeligwa, kêta mûmo ikyene kikubômbêla, yo ngulilo nki na kabalilo kaki, ugwe ubagîle ukukêta kûko ugwe uliko nu bûmi. Kêtésya i ngulilo.

<sup>40</sup> Lilino, polelo, aba kiMethodisti, abêne bâli bulenge. Abêne balinkukêta kunyuma ku ba Luteri, balinkuti, “Ûswe tuli nukukemesîgwa; ugwe ukaya nakyo nakimo mu Kyene.”

Panandi na panandi, ukufuma ku bulenge, ukufuma ku ba kiMethodisti, kulinkusôka ikilômbe kya . . . i fisasa fya kilômbe. Yula äli Pentekosti.

Mwaketa lelo umwe, ukwitikisigwa, ulufiko lumo lwa Ikyene. Ukukemesigwa, ikifikepo ikingi ikya Ikyene. U Mbepo Mwikemo, i kifikepo ikingi ikya Ikyene; Pentekosti. Luteri, Wesley, Pentekosti.

<sup>41</sup> Lilino fyo fiki ifi ikubômba Pentekosti? Une ngufwanikisya ikyene, panongwa yakuti, mu Pentekosti, ikyene kyätwele ukugomokesya, komma ilyani lya ndeka, komma ubulenge, loli . . .

Ikilombe kikabagila ukuyoba ku bulenge, “Une ngaya nakyo ikyakubombela kwa ugwe.” Pamo, ubulenge bukutoligwa ukuyoba ku i—i lyani, “Une ngaya nako akakubombela ugwe,” panongwa yakuti bu bûmi bulabula ubu bwâli mu lyâni bwâpelîle u bulenge. Bu bûmi bulabula bwâli mu bulenge bwâpelîle i kisasa.

Kangi ikyene kyâli kipanga kya Luteri iki kyâpelîle i kipanga kya Wesley. Ikyene kyâli kipanga kya Wesley iki kyapelaga Pentekosti.

Loli, Pentekosti, ngimba ikyene kyo fiki? Ubweene bo bupyanikisyo bwa luko lulalula ulwa luseke ulu lwabuukile mu mfu ku bwaandilo, ukutwala kangi ubwisusye bosa bwa Maka ga Pentekosti, nu losyo lwa Mbepo Mwikemo, muketile, mmasiku gabumalikisyo. O, ikyene kyo kindu kikulumba, ukukêta, ukwitika kangi ukukêtapo.

<sup>42</sup> Lilino mu ngulilo iyi iyi uswe tulimo nu bumi lilino, ingulilo iyi, iyene yikĩndile pa Pentekosti.

Pentekosti asēngeme mwēne mu fipānganio, nukwānda ukutūngulupa ikilūndilo kyōsa ikya fipānganio, “Uswe twe *iki* kangi uswe tuli *ikyo*.” Ikyo kyo itolo kipeligwa. Ugwe itolo ukabagila ukukitula ikyene. Ikyene kyo kipeligwa. Abene bikubombaga ikyo. Ulwene lo lubatiko, kuli abene ukubomba ikyo.

Loli i Kipanga kikwenda nkyēni. Ikyene kibukile mbukulumbapo, ubwamaka ukukindapo. Ikyene kyo lupyanikisyo lwa fikūngilwa.

Kangi abandu bingi ba kiPentekosti batikwitika mu bubumbulusyo Bwakyala, ubutumigwe bwa Bandumi, na maka ga Kyala. Bingi aba kiPentekosti bikukolela imboniboni isi sīsyo une nguketa, “u mōhēsi.” Ifibugutila fīngi fitisakuya nako nakimo ikyākubōmba ni Kyēne, mu Pentekosti. Muketile, uswe tukindilile pa kila. Itolo mumo aba Methodisti bākōlīle kiPentekosti, “bāfigili,” panongwa ya kuyoba mu ndimi. Itolo mo mūmo aba Luteri babakōlelāga aba kiMethodisti, “bāfigili,” panongwa ya kuywēga. Muketile?

Loli ikyene kyo kyosa kwīsa-panja kwa Mbepo Mwikemo, mpaka i Kipanga ikikulumba kikwisusigwa, nukubūngēnie kiswile, haleluya, na maka amakulumba ga Kyala Mwenemaka. Mpaka, ikyēne kikufika pa buyo mpaka imbombo silasila isi Yeso ābōmbīle yikunāngisya yēne mulamula mu Kipanga lilino. Uswe tuli kifuki, binangu.

<sup>43</sup> Unko une niime apa, ku miniti yimo itolo, ukwega iki Kyala ābīkīle u Mbepo Mwikemo mu Kipanga, ukubapa umwe ikyākwegelela ikīngi ukuti umwe mwisakumanya. Kunyuma mu Lwitikano Ulukūlu, akabalilo kako u—u mwanike . . .

U nnyambala ālipelile mwene a kāya. Umwene ālimmwāgile u nsīngiligwa gwāke, ikyo kyo kindu kyakwanda.

Polelo umwene alinkuya nnyambala unkulumba, bo kibugutila. Kila kyāli kinunu.

Ikindu ikikōnge kyābonīke, pala pakwīsa u bupāpīgwe mu kāya kala. Ako ka kabalilo kako Mbepo Mwikemo, muketile, imbepo iyingi yilinkwingila, iyi yo aali mwanundumiana. U mwanundumiana yula, umwēne akāli mbulagila bōsa mma, pamo nukuti umwēne āli mwingilakilingo mpaka umwēne āfikaga ku bukusi bumo. Kangi umwene afimbilisigwe ukusisimikisigwa, tasi. Ena.

Kangi polelo abene bāli nu lulagilo lwa bufwīkīgwe. Kwa umwe balumbilili, “mbuyo bwa mwanundumiana,” kyo iki une nguyobapo lilino, muketile, polelo akabalilo kākō umwene ālisile ku buyo kūko umwene āfwikāga. Yeso āpele ikyakulingania ikimogi ikya ikyene, pa Kyamba Busanuke.

44 Mũmo une njobile, Kyala atisamo siku ukubũka panja pa ndagĩlo Syake ukubõmba kalikõsa.

Linga ugwe uli nakuyo ikisiba kyanyibũko pa kamba aka, kikupũta amisi mulimõsa mmwanya, kangi pa kamba akangi aka pa bwa *apa*, ugwe uli nakyo ikyakubyaligwa kikupya, ugwe ubagile ukwĩma pa kamba aka nukuywẽga, “O, mĩsi, bopela ku bwa kuno nukwĩsusya ikyakubyaligwa kyangu! O, mĩsi, fikaga ku kyakubyaligwa kyangu!” Ikyene kitisamo siku ukubõmba ikyene. Lõli linga ugwe kwisakubõmba ukufwãna ni ndagilo sya busito, ugwe ubagile ukõnelèla ikyakubyaligwa kila.

45 Ugwe uli nagwe unnyambala umbine alambalele apa, pamo umonangi alambalele apa, pamo unnyambala uyu ikulonda ukuya ntalusye, akabagile ukuleka ukunwa, akabagile ukuleka ukukwẽsa, akabagila ukuleka ikinyonywo ni findu. Linga ugwe kubombaga itolo ukufwana ni ndagĩlo sya Kyala, mwitikisya u Mbepo Mwikemo ukwisa nkati mula, polelo umwene akayako kangi mma pamwene. Umwene, umwene isakwimaga ikindu kila, panongwa yakuti u Mbepo Mwikemo ikummwega umwene ukukilania. Lõli ugwe kufĩmbilisigwa ukubõmba ukufwãna ni ngomelesyo sya Kyala, indagilo sya Kyala.

46 Lilino, mu Lwitikano Ulukũlu, akabalilo kãko u bõnda uyu apãpãgwe, abene bankẽtesyaga akene, ukuketa mũmo akene kayĩlaga, akayĩlo.

Polelo u tãta, ukuya unnyambala ukyulusi unkulumba pa kabalilo aka, lumo mu malongo mana pamo malongo mahano gãke, umwene akali na kabalilo ukumanyisya u mwãna uyu, mwene, polelo umwene alinkuya . . . Mmasiku gala abene bakali ni sukulu sya kilũndilo mumo abene bali nasyo lilino, popãpo abene bankummwãga u “mmanyisi,” pamo u “nswĩli,” ummanyisi gwa sukulu. Kangi u mmanyisi uyu ali nnunu ukukinda-bosa umwene abãgile ukwaga, ukuti umwene ikuyaga gwabwanaloli nukumbula u tãta u bwanaloli ukufwana ni kyene.

47 Kangi polelo akabalilo kãko u ndumiana uyu afikile pa bukusi bumo, tutigi, umwene ali ntubwa. Linga u ndumiana yula ali itolo lisambũke, nsita bununu, akapãsyaga kuli imbombo ya gwĩse; fyõsa ifi umwene inogonagelaga kwãli kwembela nukubopa na bakĩkũlu, pamo—pamo ukunwa, pamo ukulagusya, pamo ukubopesya ifalasi; u ndumiana yula akabalilo kõsa isakuyaga mwanundumiana, lõli umwene akãbikigwemo siku mbuyo ukuya ni kilingo ku fyõsa tãta gwãke ali nafyo.

Lõli linga umwene ali ndumiana nnunu, kangi umwene ali pa mbombo ya tãta, kangi umwene asisimikisye ukuya mwãna untalusye, polelo abene bãli nu lusekelo. Abene balinkwẽga undumiana yula pãnja mu lukĩndi nukubika unselekesye umwelu pa mwene, kangy abene bantugasyaga pamwanya pa mayengo ukuti akãya kõsa kãbagile ukuketa.

Abēne bātēndekàga u lusekelo kang'i jubili, kang'i u gwīsa polelo āli ni ndendeko ya bufwīkigwe. Umwēne āfwīkàga u mwanundumiana gwāke mwēne mu mbombo yāke mwēne, kang'i polelo u mwanundumiana āli gwakufwāna-palikimo nu tāta gwāke. Mmasyu agangi, linga ikylene kyāli umwisyugu, i ngamu ya mwanundumiana pa ikyēke kyāli itolo kinunu mūmo u tāta.

<sup>48</sup> Lilino ketesya iki Kyala ābombile. Akabalilo kako u Mwanundumiana Gwake āpāpīgwe, Umwene alinkummwitikisya Umwene ukubuka pa fyinja malongo matatu, ukumpima Umwene, ukungela Umwene. Polelo Umwene ampaga Umwene ifyinja fitatu ifya lugélo ulukafu. Kang'i polelo kubumalikisyo bwa lugélo, akabalilo kàko Umwēne ākibwēne u Mwanundumiana Gwāke āli pakusyūngutila u bukyulusi bwa Tāta; Kyamba Busanusi, Buku gwa Luka; Umwēne ālyēgīle Peteri, Yakōbo, na Yohani, abakēti batatu, nukufyūka pamwanya pa kyāmba, kang'i pala Kyala ābombile i ndagilo sya bufwīkigwe. Umwene. . . Abene balinkuketa kang'i abene balinkumbona Yeso, kang'i imyenda Gyake gikumulika bo myēlu bo njasi. Kang'i bo i Libingo lilinkukupilila Umwene, kang'i a Masyu gikusooka ukufuma mu Libingo, kang'i lilinkuti, "Uyu yo Mwanundumiana Gwangu unganigwa; mpilikila umwe Umwene. Une ngwitugasyaga pasi lilino nukuya nakyo nakimo kang'i mma ikyakuyoba. Iki Umwene ikuyoba kyo lulagilo nu Bwanaloli."

<sup>49</sup> Lilino ikipanga kisile ukukinda mmasukulu gala. Umwene agomokile kunyuma kula, akabalilo katali aka kakindilepo, nukuya kipanga-kipaguke, i kipanganio. Loli, umwe ketesya, Ubupapigwe bwatwele ikindukimo ikingi. Kang'i lilino ikyēne kifikīle pa buyo kūko i kipanga kya kiPentekosti, nu Bupāpīgwe ubupya, kipimīgwe nukugeligwa, kang'i lilino ikylene kikwisa ku buyo. . . Kyala atikubombela ni Kipanga ukuya itolo kipanganio. Umwene atikubombela ni Kipanga ukuya ki—ki kibugutila kya bandu.

Umwene ikubombela ni Kipanga ukuya pamwenepamwene, aligwesa pamwene-pamwene mu Kipanga. Kang'i lilino akene kafikīle pa kabalilo. . . Kang'i ukwene kukaya kusofu; uswe twesa tukukéta ikylene. Akabalilo kako unnyambala ikusisimikisya, kang'i Kyala ikungana umwene, Umwene ikummwega umwene panja kubuyobumo ku Mwene. Pala pankyeni pa Bandumi Umwene ikubomba ikindukimo ku mwene. Umwēne ikumfyūsyā umwēne pamwanya pala mu Kuyapo kwa Kyala, nukumpa umwēne, nukummwīsusya umwēne, nukuntūgasya umwēne panja. Iyo yo ngulilo iyi uswe tukwitugasyamo.

<sup>50</sup> Yulayula u Mbepo Mwikemo uyu apokile abaLuteri, uyu ākemesisye abaMethodisti, uyu alyoosisye abaPentekosti, yo lilino ikubīka ndubātiko u Kwīsa kwa Ntwa Yeso. Akabalilo



kako, ikylene kikyuga kyamaka fiyo, u Mbili gula, isakwisaga mu Kibugutila iki, i Kipanga, kila kisakukwāba abāngi ba bēne ukufuma ku lipūmba. Pala pisakuyako u busyūke. Ikyo kyo iki u Mbepo Mwikemo alipo. Ngimba u Mbepo Mwikemo yo fiki? “Kisita uswe abene bakabagila ukupeligwa bapelelesye.” Abene bitugalaga mu lisiku limo, pási pa ikyo. Uswe tukwitugala mu lisiku ilingi.

“Akabalilo kâko u ndugu ikwisa nkati bo mōgésyo, Une nisa. . . u Mbepo gwa Kyala isakufyusya ubupime ukulwana ni kyene.” Muketile? Uswe tuli mu lisiku lilino. . .

<sup>51</sup> Kunyuma kula, abene bakali sinda gwa mahala bo umwisyugu. Abene balinkutoligwa ukulipela ilipufulilo lya atomiki pamo iligali. Abene bakali nayo a sayansi ni findu mumo uswe tulinafyo lilino, lōli, kangi ifīndu fya fīndu fyāmbutītu; ukugela ukuyoba ukuti u mundu āputile palikimo, ukwisila mu lufūmbi lumo na fyōsa bo ifyo, nukwēga ubufukulefukele bumo nukugela ukusisimikisya ikyēne, ukupela abasitakyala ukufuma ku bāndu.

Loli lilino, akabalilo kako uswe tukufūmbwa Ikyene, u Mbepo gwa Kyala ikufyusya ubupime. Ngimba ikylene kyo fiki? Umwene ikonelela mu Mbepo Gwake. Polelo, bala bābo bikutusya panja pala mwipumba, pamo pási pa kigemo kya Kyala, ukuya mūmo i Lisimbo likuyobela, bikukūta, “Kabalilo katali bule, Ntwa? Ko kabalilo katali bule? Bo butalipo bule?” Kyala ikugulila pa une na ugwe. I Kipanga kikugulila pa une na ugwe. Kabalilo ka bufwikígwe, akabalilo kako Kyala abagīle ukonelela kwa uswe ubwīsusye Bwāke, a Maka Gake, u busyuke Bwake, ukuti akabalilo kâko i Kipanga na Kristi fisile ukuya kifuki fiyo palikimo mpaka Kristi ikwisa ukuya mboneke pakati pa uswe, nukufyusya abafwe, kangi uswe tukubuka mu Kunyakiligwa.

<sup>52</sup> Lilino uswe tukuyuga pakuyoba, ukunāngisya ukufuma pa kabalilo, ukuti itolo bala babo bisusigwe nu Mbepo Mwikemo bikubuka mu Kunyakiligwa kula. “Kabuno abasyāle ba bafwe bakāli nu būmu ku fwāsi ya fyīnja elifu yumo.” Uko ko kutalusya. Itolo abāndu ba Mbepo-Mwikemo abīsusígwe bōsa bābūkile mu Bunyakiligo. Lilino, Kyala āpele u Mbepo Mwikemo. . .

<sup>53</sup> Une ndinalyo i Lisimbo ilingi apa, mwa Yohani 14:12. Ilyo lyo Lisimbo lyakwisibiligwa fiyo na bōsa abāndu apa pa kipānga.

*Naloliloli, naloliloli, une nguyoba kwa umwe,  
Umwene uyu ikwītika pa une. . .*

Lilino, komma ukulītikisya i lisyu lila “ikwītika” mu luko lumo likugomosye ugwe kunyuma. Nkipanga ikyangamu itolo, bikuyoba, “Ena, une ngwitika. Naloli, une ngwitika Yeso Kristi yo Mwanundumiana gwa Kyala.” U mōhési ikwitika i

kindu kilakila. Ikyo kyo katikati. Ili Bangeli lyāyobile umwene ikubomba.

Loli i Lisimbo likuyoba, mwa Yohani, ukuti, “Nayumo umundu abagile ukunkolela Yeso Kristi, mwene ukwisila mwa Mbepo Mwikemo.” Umwe muli nakyo, naloliloli, ukwisila mu Lisimbo. . . Unko une niime apa itolo i miniti, bo une ngāli ngamālīsyā ukubala. Ugwe ukapinduka mpaka ugwe gwāmbilīle u Mbepo Mwikemo. Uko ko kutalusya.

<sup>54</sup> Ugwe kwitika “ku.” U Mbepo Mwikemo aayobile kwa ugwe, kangī ugwe pabwēlu umfumwīsyē Umwene. U mōhēsi ali ni kindu kilakila. “Une ngwitika Umwene ukuya Mwanundumiana gwa Kyala.” Momumo ikubōmbēla u mōhēsi. Lōli ugwe kwēnda kubwa ku Mwēne.

Akabalilo kako, Peteri akoleliigwe nukwitikisigwa, ukwisila ukwitika mwa Ntwa Yeso Kristi; kangī mwa Yohani 17:17, Yeso alinkubakemesya abene ukwisila mu Lisyu, kabuno i Lisyu lyaali Bwanaloli. Kangī Umwene aali yo Lisyu. Lya 1, Yohani ikuyoba, “Ku bwandilo lyalipo i Lisyu, kangī i Lisyu lyāli na Kyala, kangī i Lisyu lyāli Kyala. Kangī i Lisyu lyapeliigwe ukuya mbili, nukwītūgāsya na uswe.” Umwene aali Lisyu, polelo Umwene alinkubakemesya abene. Umwene alinkuti, “Tata,” ukuyoba kwa Mbepo mwa Umwene, “Une ngubakemesya abene ukwisila mu Lisyu,” Mwēne, ukwisila mu kwāla amaboko Gāke pa bēne. “I Lisyu Lyāko lyo Bwānalōli.” Itolo āyobīle Umwēne mu kuyapo, mu mbapo ya nkīkūlu; o, lōsa kisitakubagīla kuli Umwēne ukuya injila yiliyōsa iyingi ukukīnda i Lisyu lya Kyala ukwītēndeka Mwēne ukubonekela. “Une ngubakēmesya abēne.”

<sup>55</sup> Umwene ābapele abene a maka ukulwana ni mbepo inyali. Abene basookile panja. Umwene alinkubika ingamu syabo mwa Buku gwa Kang’osi gwa Bumi. Kangī Umwēne alinkubatuma abēne panja, Yohani. . . Matai 10, nukubapa abēne amaka pamwanya pa mbepo inyali; ukukagīla panja imbepo inyali, kangī ukubomba imbombo, na fyosa bo ifyo. Kangī abēne bikugomokēla, bikusangaluka, balinkuti, “Gyōpe ni misyētāno gikupilikila kwa uswe.”

Umwēne alinkuti, “Komma ukusangaluka panongwa yakuti imisyētāno gikulāmba kwa umwe; lōli sangalukāga panongwa yakuti ingamu syinu sili mwa Buku.” Kangī Yūdasi āli na bēne. Kēta mūmo kifuki umwēne abagīle ukwīsa; mulamula nkyēne ukwisila ubwītikisigwe, ukwēnda mulamula nkyēne mu bukēmēsīgwe. Lōli ngimba ko kūgu umwēne ānāngīsye ulumuli lwāke? Ko kūgu ngimba umwēne ālināngīsye mwēne? Bo akāli Pentekosti, umwēne ānāngīsye ilāngi syāke.

<sup>56</sup> Kētēsya, umbepo yula isakuyaga itolo mwīpūti kangī itolo gwakwikemesyekemesya bo mūmo umwēne abagīle ukuya, mpaka ikylene kikwisa kwa Mbepo Mwikemo, kangī abene bisakutumula Ikyene palapala pala. Uyo yo mbepo yula (ngimba

umwe mukabagila ukukibona ikyēne?) ikufyukila mmwanya, u ndwananakristi. Kangi Yeso alinkuti, “Abene bikuyaga kifuki fiyo palikimo, mmasiku gabumalikisyo, ikyene kyābagile ukusyoba a Basaligwa balabala linga syāli syakubombigwa.” Lōli, kumbukilāga, ikyēne kyo itolo a Basaligwa aba bisakukēta ikyēne.

Kyala ikukōlēla ukwisila mu lusalo. Umwe, mukaya basangalufu ukuti umwe mwe bamo ba bēne? Ngimba mukaya umwe, bāndu apa ikilo iki, mumenye ukuti ikindukimo mu ndumbula yīnu kikulūsa, “Une ngulonda u Mbepo Mwikemo yula. Une ngulonda Ugwe, Ntwa, mu ndumbula yangu”? Iyo yo nongwa Kyala ābīkile ingamu yāko pa Būku gwa Būmi gwa Kang’osi bo ulwālo lwa kīsu lukāligwa. Umwene āyobīle ikyo.

“Nayumo umundu abagile ukwisa ku Myangu,” alinkuyoba Yeso, “pene papo Tata Gwangu ankwābile umwene tasi. Kangi bosa aba bikwisa kwa Une, Une nisakubapa abēne u Būmi Bwasyēpwa.” Ngimba u Būmi Bwasyēpwa bo fiki? U Mbepo Mwikemo. “Būmi Bwasyēpwa,” ega i lisyu lila nukulyēndesya ilyēne mu kiGiriki, kangi ilyēne lyāyobīle, *Zoe*. Zoe yo Mbepo Mwikemo. “Bosa aba Tāta ambele Une bisakwisaga kwa Une. Kangi bosa aba bikwisa kwa Une, Une nisakumpa umwene u Mbepo Mwikemo, kangi une nisakusyūsyāga umwēne mmwanya ku lisiku lwabumalikisyo. Une nisakubōmbāga ikyēne,” Umwēne alinkuyoba. Komma umma aba linga-kangi-kangi ukufwāna ni Kyēne. “Une nisa. Bōsa aba bikwisa; kangi Une nisakupa u Būmi Bwasyēpwa.” Umwene ikufimbilisigwaga ukufyusya, panongwa yakuti umwene ali nu Bumi bwa Syepwa. Umwene ikufimbilisigwa ukwisa. Akabagila ukufwa kangi mma ukukinda Kyala abagile ukufwa.

<sup>57</sup> O, mwe binangu bapala ukufuma ukusyūngutila ikisu iki kangi nkaya akanini aka, linga une nābagile itolo, na masyu gangu ga būndu, ukubika mu ndumbula yāko ububufūmbwe bwa kwāmbilila ulosyo lwa Mbepo Mwikemo, ikyēne kikuyaga busetuli ubununu ukukīnda-fyosa ubu umwe mwālīmo nabo siku mbūmi bwīnu. Ukukēta iki...Ugwe kufimbilisigwa ukubōmba ikyēne.

Unko une nkitēndeke ikyo kilāngale, isya, “Ugwe ukapīndusigwa.”

<sup>58</sup> Peteri āpokīgwe. Umwēne ālitike pa Ntwa, alinkōngēsya Umwēne. Yeso ālimbūlīle umwēne uyu umwēne āli, āli nagwe umwēne ukunkonga Umwēne. Umwēne ālimpēle umwēne a maka ukulwana ni mbepo inyali nukunkēmēsya umwēne. Lōli ukufuma pa fyōsa ifyo, kangi alinkwisa ukuya mwalafyale gwa bayobi gwa kibugutila; mūmo a Bakatolika bikulondela ukukikōlela ikyene, “u bishopu gwa kipanga, pamo u pāpa,” pamo kilikyōsa ikyēne kyāli, unnyāmbala gwa ntu gwa kipanga;

pōpe Yeso alinkuyoba, ikilo kya lupefyo Lwāke, “Uganile ugwe Une, Peteri?”

Kangi umwene alinkuti, “Ntwa, Ugwe umenye une nguganile Ugwe.”

Alinkuti, “Siswilege ing’osi Syangu.” Umwene alinkuyoba kila katatu kōsa.

Kangi Peteri alinkuti, “Ugwe umenye une nguganile Ugwe, mpaka une ngubukaga na Ugwe ku—ku bumalikisyo, kangi une ngubukaga na Ugwe ku bufwe,” na fyosa bo ifyo.

<sup>59</sup> Umwēne alinkuyoba, “Bo ingongobe yibilikile katatu kōsa, ugwe kwisa . . . bo ingongobe yikabilikila, ugwe kwisa kuti ungānile Une katatu kosa.” Umwene alinkuti, “Loli, Peteri, une ngwīputile ugwe.” Pilikisya. Ikyo kyo kikaya kyōsa kya ikyēne mma. “Une ngwīpūtīle ugwe. Kangi ukufuma pāpo ugwe upīndwīke, polelo ukasyēge abakundwe bāko.”

“Ukufuma pāpo ugwe upīndusīgwe.” Umwēne āywēgīle. Umwēne lumo āmogīle mwa Mbepo. Umwene, umwene ābombile u luko losa ulwa findu, loli umwene akālyambilīle u Mbepo Mwikemo mma tāsi. “Ukufuma pāpo ugwe upīndwīke, polelo bakasya abakundwe bāko,” ikyo kyo kyābwanaloli, “ukubōmba ulutēndēko Lwāke.”

<sup>60</sup> Lilino unko une mālīsyē ukubala Yohani 14:12. Lilino mu ntu gwa 14 kangi ilinandi lya 12, Yeso alinkuti, “Naloliloli, naloli, une nguyoba kwa umwe, umwene uyu ikwitika . . .” Kangi ugwe ukabagila ukwitika . . . “Kwitika pa Une.” Ugwe ubagile ukwitika ku Mwene. Balinga bikupilikisya ikyo? Yoba, “Ameni.” [Ikilundilo kikuyoba, “Ameni.”—Nsimbi.]

<sup>61</sup> Umwe mukukumbukila, mu Imbombo 19. Une nkibengile ukwīmika iki apa, loli une itolo ngufimbilisigwa ukuyoba ikyene bo ikyene kikwisa kwa une. Mu Imbombo untu gwa 19, akabalilo kāko undumbilili gwa kiBaptisti uyu, uyu āli u—u mwilāgīlo kangi āpīndwīke, kangi umwene alumbililaga nu kubatwāla abandu ku bupokigwe. Kangi abene baali nu buhobofu ubukulumba, itolo basangalwike nu kulalata, ukuya nu lukomano. Imbombo 18, Aquila na Priscilla, uswe twasosolile ku kyēne amayolo gammayolo, kangi abēne bābūkile ukunkēta umwēne. Kangi abene bamenye ukuti umwene āli nnyambala unkulumba, kangi umwene āli mfunda—funda. Kangi umwēne āsisimikisyāga ukwisila mu i Bāngēli ukuti Yeso āli Mwanundumiana gwa Kyala, kwēne kukumanya u lōsyō lwa Yohani. Umwene akaamenye ulosyo lwa Mbepo Mwikemo tāsi. Polelo umwene aatile . . .

Aquila na Priscilla, yula undume nu nkasi, abanini abatendeka fihēma; iki, Pauli āli ntendeka fihēma, yōpe. Kangi abēne bālyāambilīle u Mbepo Mwikemo pāsī pa bumanyisi bwa Pauli. Abene balinkuti, “Uswe tulinayo unkundwe unnini uyu

ikwisa pamwanya apa. Unko umwene ayobe kwa uswe pakayabo kanini ka ikyene.”

Kangi akabalilo kako Pauli afyukile mmwanya nukunpilika umwene alumbililaga, amenye ukuti umwene aali nnyambala unkulumba, umwene aatile, “Ngimba umwe mwāmbilīle u Mbepo Mwikemo ukufuma pāpo umwe mwālītike?”

Abene balinkuti, “Uswe tukamanya mma . . . kali aliko yumo u Mbepo Mwikemo.”

Umwene alinkuti, “Polelo ku fiki,” pamo i lisyu lya kiGiriki ikyanaloliloli pala lyo, “kwa mūmo umwe mwālyōsīgwe?”

Abene balinkuti, “Uswe tutalile tōsīgwe na Yohani u Mōsi.”

<sup>62</sup> Lilino kētésya iki Pauli āyobīle. Pauli āyobīle, ukuti, “Yohani naloliloli ālyōsisye ku lupīnduko; komma ku busyūle bwa mbībi, lōli ku lupīnduko, ukuyoba ikyo kyo iki umwe mwālītike.”

Akabalilo kāko ugwe kwitikisya Kristi ukuya Mpoki gwakonagwako, ugwe kwitika *ku* losyo lwa Mbepo Mwikemo. Ulo lo lukaya lōsyo lwa Mbepo Mwikemo, bakundwe bāngu ba kiBaptisti. Ikyene kyo kisobi.

Unkundwe yumo alinkuyoba kwa une ilisiku limo, alinkuti, “Nkundwe Branham,” pamo akabalilo kamo aka kakindilepo, imyesi igi gikindilepo, umwene alinkuti, “Nkundwe Branham, Abraham ālītike Kyala, kangi ikyene kyalyimikīgwe ku mwene ukuya bugolofu.”

Une ndinkuti, “Naloliloli.”

Alinkuti, “Ngimba kyo kiliku iki unnyambala abagile ukubomba ukukinda ukwitika?”

<sup>63</sup> Une ndinkuti, “Uyo yo nnyambala aligwesa abagile ukubomba. Ikyo kyo kyosa iki umwene abagile ukubomba umwisyugu, ko kwitika Kyala. Lōli Kyala ālīmpéle umwēne ikifūngilo kya kububūtīgwa,” iki uswe twābūkīle ukukīnda nkilo, “ukuya kimanyilo ukuti Umwene alītikisye ulwitiko lwake mwa Umwene.” Kangi, umwisyugu, mpaka Kyala . . .

Ugwe kwitika ku Mwene akabalilo kāko ugwe kwitikisya Umwene ukuya Mpoki gwakonagwako. Lōli akabalilo kāko Kyala ikukupa ugwe ikifūngilo kya Mbepo Mwikemo, Umwēne ākufūngile ugwe ku bufike bwāko Bwasypwa. Lilino umwe ba Baptisti ega ikyo, kangi une ngwisakubūkāga na umwe ku buponesigwe Bwabwilanabwila. Ena, nkulumba. Panongwa yakuti, “Somma ukunsulumanisya Mbepo Mwikemo gwa Kyala, kūko umwe mufūngigwe mpaka ilisiku lwa kutabuligwa kwinu.” Umwe mukafūngīgwa ukwisila mu kwītika *ku*, lōli mufūngigwe na Mbepo Mwīkēmo. Baefesi 4:30, “Somma ukunsulumanisya Mbepo Mwikemo gwa Kyala, kuko umwe mufūngigwe mpaka ilisiku lwa kutabuligwa kwinu.” Kila

kikufunga umwe, akabalilo kako umwe mulwagile uluganilo na Kyala, kangi Umwene afungile umwe na Mbepo Mwikemo.

Ikyo kyo momumo, kabuno ili Bangeli lyaayobile, “Nayumo umundu abagile ukunkolela Yeso u Kristi, mwene ukwisila mwa Mbepo Mwikemo.”

<sup>64</sup> Ugwe kuyoba, “Une ngwitika ikyene panongwa yakuti untimi aayobile lulo.” Umwene yo kotalusya, loli ikyo kitikubaligwa kuli umwe. “Une ngwitika ikyene panongwa yakuti i Lisyu likuyoba lulo.” Uko ko kotalusya, loli ikyo kikaya kya ugwe mma, ikyo kitikukubala ugwe.

Injila yene iyi ugwe ubagile ukuyoba ukuti Yeso yo Kristi, ko kabalilo kâko u Mbepo Mwikemo ikwisa mwa ugwe kangi ikubikila ubuketi, kangi ikubikila ubuketi Mwene mosa, “Umwene yo Mwanundumiana gwa Kyala.” Iyo yo njila yene ugwe umenye ubusyûke, ko kabalilo kâko u Mbepo Mwikemo ikubikila ubuketi. “Akabalilo kâko Umwene u Mbepo Mwikemo ikwisa, Umwene isakubikaga ubuketi bwa Une, ukubanangisya umwe i findu ifyakwisa; ukutwala ifindu ifi, ifi une njobile, ku bukumbusyo bwinu.” Umwe mutisakufyâgamo siku ifyene mu sukulu. Muketile? Umwene isakutwala ifinfu ifi ku bukumbusyo bwinu.

<sup>65</sup> Lilino uswe tukulonda ukubala panini ukukindililâpo pa Lisimbo ili lilino, Mwikemo Yohani 14:12.

*Naloliloli, naloliloli, une nguyoba kwa umwe,  
Umwene uyu ikwitika pa une, imbombo isi Une  
ngubomba isakubombaga yope; kangi inywamupo. . .*

Iki, ubusanusi ubutalusye pala bo “fingipo,” lingu umwe mukulonda ukukêtësya ikyene môsa.

*. . . imbombo ingulumbapo ukukinda isi  
mwisakubombaga umwene; panongwa yakuti Une  
ngubuka kwa Tâta.*

<sup>66</sup> Linga Umwene abûkile kwa Tâta, u Mbepo Mwikemo abagile ukwisa. Ngimba uko kotalusya? I Lisimbo ilingi litile, “Linga une ndikusokâpo, u Nsûbisi atisakwisa. Loli linga une ngusokapo, une ngwisaga kangi nukuya na ugwe, mope mwa ugwe.” Muketile, ikyene yo Kyala na ugwe. Pa mwanya pa ugwe, tâsi; na ugwe, mwa Kristi; mwa ugwe, mwa Mbepo Mwikemo. Umwene yo Kyala mwa ugwe.

<sup>67</sup> Lilino, “Imbombo isi Une ngubomba mwisakubombaga umwe numwe,” komma imbombo iyingi. Loli Kyala ikulonda ukutwala u Mbepo Mwikemo, mwa ugwe, ukukindilisa imbombo yilayila iyi Umwene abombaga mwa Kristi.

Imbombo yikâli mfumbwe fiyo mmasiku ga Luteri. Ikyo kyâli Kipanga kya Kyala. Iyene yikâli mma. . . Pakayabo kanini ukongelelapo mmasiku ga Wesley.

Panongwa yakuti, “I kīsu,” i Bāngèli likuyoba, “kisakuyaga kyōnywapo, kangī kyamahhalapo, kangī kibibipo ukōngelelapo akabalilo kōsa.” Uswe tuli...Ikisu kikwisa ukuya kibibipo lōsa...Uswe tumenye ikyo. Fiki, umundu ikubomba ifindu umwisyugu ifi, ifyinja mia yumo ifi fikindilepo ugwe angali ukīnogona pabagile ukuyapo mundu uyu ngāsi bo lula. “Babibipo ukōngelelapo akabalilo kōsa, kangī umbībi isakuyaga mbībipo, akabalilo kōsa,” lyāyobile i Lisimbo, “ukōngelelapo kangī ukōngelelapo.”

<sup>68</sup> Polelo, u Mbepo Mwikemo ikwēnda. Bwalipo itolo umūyi unnini gwa Ikyene na Luteri; ulupūto panini ulwa Ikyene na Wesley; kangī ubupūte ubusolofupo bwa Ikyēne na Pentekosti; lilino u mūyi kangī u Mbepo isile ukuya yulayula. Umwene ikwibungānia palikimo, ukutwala panja kila ikyamaka kilakila ikya Mbepo Mwikemo bo mumo Umwene ābombile kunyuma kula, ikubonesya imbombo silasila isi Umwēne ābōmbile kunyuma kula, sikubonesigwe papapa umwīsyūgu, ikindu kilakilay.

<sup>69</sup> Ketesya iki Yeso aayobile: “Naloliloli, naloliloli une nguyoba kwa umwe, u Mwanundumiana akabagila ukubomba nakamo pene papo Umwene ikuketa u Tata ikubomba ikyene tasi. Iki u Tāta ikubōmba, Umwēne ikunāngisya u Mwanundumiana. U Tāta ikwitūgasya mwa Une; Umwēne yo ikubomba imbombo.” Muketile?

<sup>70</sup> Lilino kētésya, apa kyo kilipo ikindu ikingi une ngulonda ukuyoba papapa apa. “Mūmo,” Yeso āyobīle, “bo mūmo u Tāta āndumīle Une. Bo,” lilino kētésya, “bo mūmo Tāta āndumīle Une, mōmumo Une ngubatuma umwe.” “Mumo u Tāta...” Ngimba u Tāta ālimumīle Umwēne bulebule? U Tāta, uyu ālimumīle Umwēne, ukusuluka ukufuma ku Mwanya nukwitugasya mu Mwēne.

Umwene ābukīle panja. Umwene alinkuti, “Une akabalilo kosa ngubomba kila iki kikunhobosya Tāta Gwangu.” Muketile? Umwene alinkubuka kula ukubomba ifindu ifi Tāta ālimumāngisye Umwene ukubomba. “Une ndikubōmba nakamo pene pāpo u Tāta Gwāngu ikunāngisya Une tāsi.” U Kyala uyu ālimumīle Umwēne, āli nkati mwa Mwēne. “Kangī bo Tāta ālimumīle Une, injila yilayila u Tāta āndumīle Une, momūmo Une ngukutuma ugwe.” Ngimba ikyene kyo fiki? Kyala mwa ugwe, ukukindilisya (fiki?) imbombo silasila, silasila.

Yeso aatile, “U...umwene uyu *ikwitika*, umwene uyu alinayo Une nkati mwa umwēne, u Mbepo Mwikemo; umwene uyu *ikwitika*, uyu yo atalile alingēnie ubuketi Bwangu, amenye ukuti Une ndi mwa umwene. Umwene uyu ali mwa Une; linga ugwe kwitugasya mwa Une, a Masyu Gangu gikwitugasya mwa ugwe.”

<sup>71</sup> Lilino ugwe kuyoba, “Une ngwitugasya mwa Yeso; loli une naloliloli ndikwitika mu bubumbulusyo Bwakyala.” Ikyo kikubonesya ukuti Umwene akaya mula mma.

<sup>72</sup> “Une ngwitika mwa Yeso; komma ukwitika mwa Mbepo Mwikemo mu lisiku ili, komma mumo abene bâli nakyo Ikyene kunyuma kula.” Ikyo kikubonesya Umwene akaya apo.

<sup>73</sup> U Mbepo Mwikemo isakubikila ubuketi bwa Lisyu lililyosa Ilyene lyayobile. Umwene akaya nsyobi. Umwene atikutila nayumo pamo ikipangano nakimo. Umwene atikufimbilisigwa ukwêgela pâsi kuli nayumo. Umwene ikuyoba, kangî polelo Umwene ikwîma ni kyene.

Linga abapamwanya, kangî ababwapuligwe, kangî abamanyili, pamo mumo uswe tubagile ukukikolela ikyene, abatagili, linga abene batikulonda ukukyambilila Ikyene, “Kyala abagile ukufuma mmabwe aga ukufyûsya abâna kwa Abraham.” Umwene isakwêga abakulumba ba bahiyi, abakinwelwa, na kilikyosa ikingi, nukukifyûsya ikyene môsa. Kyala abagile ukubomba ikyene, kangî Umwene ikubomba ikyene. “Kyala abagile ukufuma ku mabwe aga ukufyusya abâna kwa Abraham.” Umundu yumo ikubombaga ikyene, panongwa yakuti Umwene yo Kyala.

<sup>74</sup> “Linga ugwe kwitugasya mwa Une, kangî a Masyu Gangu mwa ugwe, suma aka ugwe gwiganile,” panongwa yakuti ugwe kusuma i Lisyu Lyake, kangî i Lisyu Lyake lyo Bumi. Yoba ikyene. Linga Kyala ayobile ikyene, kangî ugwe usisimikise Umwene ayobile ikyene, u Mbepo Mwikemo ikubikila ubuketi ukuti i Lisyu lila lyo litalusye, polelo, ugwe ulipo, nkundwe. Yoba ikyene; pala ikyene kili. “Yoba ku kyamba iki, ‘Samisigwaga,’ komma ukwilamwa mu ndumbula yako, loli itika ukuti iki ugwe uyobile kisakwisa ukuboneka.” Komma ugwe gwe uyu ikuyoba, loli Tata uyu ikwitugasya mwa ugwe; Umwene yo ikubomba ubuyobi. Ikyene kikaya ugwe kuyoba ku kyamba kila, ikyene yo Tata uyu ali mwa ugwe, ikuyoba ku kyamba kila. Ikyene kikufimbilisigwa ukusema. “Kumwanya na pasi fyosa fisakumalikaga,” Umwene alinkuyoba, “loli u Mbepo Gwangu atisakumalikamo umma, pamo, i Lisyu Lyangu litisakumalikamo.” Naloliloli, Ilyene likabagila ukumalika. Tata!

<sup>75</sup> Lilino, “Imbombo isi Une ngubomba.” Kyala ali mu Kipanga Kyake, ukukindilisa imbombo Syake. Iyo yo nongwa Umwene atumile u Mbepo Mwikemo. Lilino, Umwene amenye ikyo. Umwene, Umwene amenye ikyene kikabagile ukuya, ikyene kikabagile ukubombigwa injila yila, polelo ni njila iyingi, mo mumo Umwene afimbilisigwaga ukutuma. U Tata atumile u Mwanundumiana, bika fyosa ifi fili mun-. . . Mwanundumiana mwa ugwe. Kangî imbombo silasila isi Umwene abombile,



imbombo silasila lilino isi Yeso ābōmbile, umwe mwisakubomba nūmwe, i Kipanga.

Ngimba ugwe utikulonda ukubomba imbombo sya Kyala? Yeso alinkuti, “Linga ugwe kulonda ukubomba imbombo sya Kyala, itikaga pa Une.” Bo bulebule ugwe kwitika pa Mwene? Ugwe ukabagila ukubomba ikylene mpaka ugwe uli na Mbepo Mwikemo.

<sup>76</sup> Panongwa yakuti, nayumo umundu abagile ukuyoba Umwene yo Mwanundumiana gwa Kyala; ugwe kuyoba iki umunduyumo uyungi āyobile. “Ili Bangeli liyobile ukuti Umwene yo Mwanundumiana gwa Kyala; une ngwitika i Bangeli.” Umma ndaga. “Ili Bangeli likuyoba Umwene yo Mwanundumiana gwa Kyala; une ngwitika i Bangeli. Untimi ikuyoba Umwene yo Mwanundumiana gwa Kyala; une ngwitika u ntimi. Māma ikuyoba Umwene yo Mwanundumiana gwa Kyala; une ngwitika māma. Umwinangu ikuyoba Umwene yo Mwanundumiana gwa Kyala; une ngwitika mwinangu.”

Loli injila yene iyi une mbagile ukuyoba Umwene yo Mwanundumiana gwa Kyala, ko kabalilo kako u Mbepo Mwikemo ikwisa kangi ikubikila ubuketi Mwene, polelo une mmenye Umwene yo Mwanundumiana gwa Kyala. “Nayumo umundu abagile ukunkolela Yeso, ‘Kristi,’ kwene ukwisila mwa Mbepo Mwikemo.” Pala!

<sup>77</sup> Nayumo umundu ikuyoba ukwisila mwa Mbepo gwa Kyala ikukolela Yeso agunigwege, pamo ukuyoba Umwene āli kindukimo ilisiku lila kangi i kindukimo ikingi umwisyugu. Ikyo kikupela Umwēne ukuya monywa kangi gwakukufoka. Umma, nkulumba.

Umwene yo yuyo mmayolo, umusyugu, na bwilanabwila. U mbepo gwabwanaloli aligwesa isakubikila ubuketi bwa ikyo. Umma ndaga.

<sup>78</sup> Lilino, Umwene ātile, “Imbombo isi Une ngubomba mwisakubombaga umwe numwe,” Yohani 14:12, lilino, imbombo silasila.

“O,” abene bikuti, “ikipanga kikubomba imbombo ingulumbapo umwisyugu.” Mu njilanki?

Umwene alinkuti, “Imbombo isi Une ngubomba.”

“Ikyo,” abene bikuyoba, “ena, uswe tulinabo abamisyoni nkisu kyosa, iyo yo mbombo inywamu.”

<sup>79</sup> Loli Umwene alinkuti, “Imbombo isi Une ngubomba.” Lilino bōmba isyēne, bōmba isyēne tāsī, polelo yobaga isya ba misyoni.

<sup>80</sup> Umwisyugu, ukuyoba apa akabalilo kamo aka kakindilepo isya u gwaMuhamadi, umwene alinkuti, “Muhamadi yo mfwe.”

“Uko ko kotalusya, umwene ali mwipumba, loli ilisiku limo umwene isakusyuka.” Umwēne alinkuti, “Linga umwēne

ikufyūka ukufuma ku lipūmba, ikīsu kyōsa kisakumanya ikyēne mu sala malongo-mabili-na-sina.” Umwene alinkuti, “Umwe bandu mukuyoba Yeso asyūkile ifyinja maelifu mabili, kangī komma yumoywene-mwa-batatu mwa bandu bamenye ikyēne mpaka nalino.”

Kila kyo nongwa yakuti umwe mwāyobile ukufuma mbukētelo bwamahala bwa ikyēne. Umwe muyobile pabwimilo bwa sukulu pamo ubumanyili.

Linga iki kyosa, kipanga ikikulumba ikya Kyala, ukubala u Katolika, Protestanti, fyosa palikimo, bālyāmbilīle u Mbepo Mwikemo, ikīsu iki āngali kilāmbalele kikafu mu Kikristi; pala āngali pakayapo ikindu kimo bo kikomyunisti; pala āngali pakayapo ikindu kimo bo matati, pamo ubulugu, pamo ubugāsi, pamo ulubēngo. Yeso āngali itūgesye pa Kikota Kyāke, kangī uswe āngali tukwēnda ukukīnda abaparadisa ba Kyala, nu Būmi Bwasyēpwa, ukuya būmi bwilanabwila; tatalile tusyūsīgwe mu mbili umpya, tukwēnda ukusyūngutila, nasiku ukuya bakāngāle, nasiku ukuya ni mbuha, nasiku ukuya babine, nasiku ukuya ni njala; oukwenda mu sangaluko sya Ntwa, tukuyoba ni finyamana. Kangi, o, lyo lisiku liki! Loli uswe tubombile filifyosa ifingi palubafu ifi Umwene. . .

<sup>81</sup> Umwene alinkuti, “Bukaga umwe nkisu kyosa ikypasi nukulumbilila Inongwainunu.” Ngimba i Nongwainunu yikubōmba nki? “Komma i Lisyu lyēne mma, lōli ukwisila mu Maka nu kubonekesya kwa Mbepo Mwikemo.” Ukupela i Lisyu lya Kyala likubonekela, lyo Nongwainunu.

<sup>82</sup> Ugwe ukabagīla ukubomba ikylene. Lilino, Yeso āmenye ikyo, ukuti Umwene āfimbilisigwāga ukwitugasya mu Kipanga Kyāke.

Polelo, Umwēne āmenye uswe āngali tukuya ni sukulu syamahala. Kangi umwe mutisamo siku ukwēga Iki mu sukulu yamahala. Abēne bisakulwānaga ni Kyēne. Panongwa yakuti, fyosa ifi abēne bamenye bo bumanyi bwa nnyambala unkomu, kimo ikimanyisyo pamo ikipānga-kipāguke abēne bikulōnda uku—ukuya nubūmu pakyēne. Popāpo abēne bisa—abēne bisakukubīka ugwe mula mu ikyo nukukutēndēka ugwe ukuya mbakasya ya mbili gula, kangī, nkundwe, ukwandisya ifindu fimo kwa ugwe ukufuma nkimanyisyo iki kyabonekaga ukuya bo ikylene kyāli kipelelesye. “I kikulumba ikipānga ikīkemo, u māma, ikyēne kīmīle fīngi i fikomigwe, ikyēne kyālimīle i fīngi i fitikigwe.” Momūmo yōpe mōhesi; umwēne abāyīgwe ukufuma kulikosa kuliko, kifuki, kangī umwēne akāli ikubūka nkyēni itolo lulalula. Ena, nkulumba. O, abene bikugela ukugomokelamo mu ifi.

<sup>83</sup> Popāpo Yeso āmenye ukuti pisakuyapo ikikulumba ikyēndo kyamahala itolo mūmo kyālimo mu masiku Gāke, ukubuka mu kusuka kwa ndeko ni sahani, nukufwāla i myēnda, na

makolala-amasyũmbutusigwe, na filifyõsa bo mũmo abẽne bābõmbile, fyõsa ifi ifĩndu ifikĩndane ifi abẽne bābagile ukubõmba. Umwene aamenye abene babagile ukubomba ikyo, polelo Umwene alinkuti, “Lilino itolo gulila panandi. Une ngubuka ukusita kubaleka umwe kisita busũbisyo, Une ngwĩsa kangĩ ukuya na umwe. Polelo,” Umwene alinkuti, “imbombo isi Une ngubomba, umwe mwisakubomba numwe.”

<sup>84</sup> Ifundo ya kutuma u Mbepo Mwikemo yāli kwa Kyala ukukĩndilĩsya mu kipāmbõ kya bāndu, nukukĩndilila uku bonesya Kyala ku kisu. Ikyo kyo katikati. Komma ukwisila mu kimanyisyo, komma ukwisila mu kipanga-kipāgũke, lōli ukwisila mu Maka ga busyũke Bwāke, ukwisila mukupela i Lisyu Lyāke lyanaloliloli; ukwisila mukwēga ulufingo Lwāke, nukwĩma pa lubafu lwa banini, nukwĩtika Kyala; kangĩ kētesya imyānya imitĩtu gikusema ukugomokela, kangĩ a Maka ga Kyala gikusemela nkati nukupõnjola. Ameni. Ikyo kyo iki Umwene ikulonda. Ikyo kyo iki u Mbepo Mwikemo aatumiligwe. Ikyo kyo nongwa iyi Umwene aatumile Ikyene. Uswe tumenye iki Ikyene kili lilino, kangĩ iyo yo nongwa Umwene ātumile Ikyene.

<sup>85</sup> Polelo, nalimo ililopa ilĩngi lyabagile ukukēmesya abāndu. Une ngābagile ukukukēmesya ugwe, kangĩ ugwe ukābagile ukungēmesya une, panongwa yakuti uswe babili-twesa tupāpīgwe ukufuma ku kugonana. Lōli Yeso apāpīgwe kisita kugonana, uko ko kusalusya, popāpo i Lilopa Lyāke lyāli yo likemesi. Kangi Kyala ālisile pāsi, āpelile u mbili, alinkwitũgala mu gwēne, alinkõna i Lilopa lila kuli ubukemesi bwa iki, iki naloliloli kyākagile ubutobesigwe bwa butulwanongwa ni soni. Polelo, ukwisila mu lwĩtiko, ukwitika mu Kila, Kyala ikwisa itolo pāsi mu mbili gwa bũndu gula, ukwisila mu bukemisigwe bwa Lilopa lila, kikumbika umwene Luyungu lwa Abraham, nu lwitiko.

<sup>86</sup> Ukwitika ukuti i Lilopa lila libagile ukwisa, i Lilopa ilipelelesye lila ili lyābagile ukuya kika ngati lilopa lyāke, alinkwenda ukukilania kula ukufuma “umwene aali nnuu ukuya afwile.” Itikaga Kyala ku fyinja malongo mabili na fihano, umwene malongo mahano na mabili na fihano, kangĩ itikaga mpaka umwene āli gwa fyinja mia yumo. Kangi Sarah, malongo-mahano-na-limo-na-fihano, kangĩ ālitike mpaka umwene āli malongo-mahano-na-mana. “Kangi umwene āli yumo ukuya nnuu bo afwile.”

Kangi Kyala alinkuti, “Ukuti abandu batisa naloliloli ukukipondwa ikylene, mmwegela umwene pamwanya apa pa kām̄ba nukumpa umwene lōsa ukuya likemo.”

<sup>87</sup> Umwene alinkuyoba ku babõmbi, “Ugwe ima apa ni mbunda nu kuguulila. U mwanundumiana na une ngubukaga kula nukwĩputa, kangĩ u mwanundumiana na

une ngwisakugomokelaga.” O, ngimba umwene ikubombaga bulebule icyene?

Abraham alinkuti, “Une nālimmwambilīle umwene ukuya yumo umfuma ku bafwe. Kangi une mmenye ukuti Umwēne yūyo ālimbele umwēne kwa une, ukuya yumo ukufuma ku bafwe, abagīle ukunsyusya umwene ukufuma ku bafwe linga une itolo ngumilisa i Lisyu Lyake. Kyunga, une ngukyūnga i Lisyu Lyāke; Umwēne abagīle ukunsyusya umwēne ukufuma ku bafwe.”

<sup>88</sup> Nubupelelesye ikuyoba isya Kristi! Pala Umwene alipo. Kangi ukwisila mu mbakasya ya Lilopa yila mulinkwisa panja u Mbepo Mwīkēmo, iki kyāli Kyēne kyapinyiligwe mu mbili gukubiligwa Yeso. I Lilopa lila lyakemesisye i njila, nu lwitiko, ukukolela abatabuligwe, pamo a Basaligwa ba Kyala. Kangi akabalilo kako ugwe gwitike Ikyo, kangi u Mbepo Mwikemo egile bosa ubwimi ukufuma kwa ugwe, Umwene ikwenda mulamula nkati, Kyala Mwene, ukubomba ubwigane Bwake.

<sup>89</sup> Pāsi apa, yula umwīmi ubwāna yo gwabugāsi; kangi uyu uyūngi ugwaiyololo *gwakuti-na-gwakuti* ukukilania apa ikubōnga *ikyākuti-na-kyākuti*; kangi u miana unkangale *uyu* ikuyoba isya Ikyene, ukulwana ni Kyene. U nnyambala isusigwe na Mbepo Mwikemo isakwimaga palapala nkisyo kya icyene. Amen.

<sup>90</sup> “Kangi abēne bālyēgīle ukupilikisya. Abēne bāli basitakumanya kangi basita kumanyila, lōli abēne balinkwēga ukupilikisya ukuti abēne bāli na Yeso.” Ikyo kyo iki u Mbepo Mwikemo isileko.

<sup>91</sup> U ndobanswi unnini ugwaiyolo alinkutoligwa ukubīka ikimanyilo pa ngamu yake. Lōli umwēne ālimīle pala kangi alinkuti, “Ngimba uswe twisakumwītikaga ywāni, unnyāmbāla pamo Kyala?” Amen. “Unko icyene kimanyigwe kwa umwe, uswe tukāli twisakulūmbilīlaga mu Ngamu ya Yeso.” Mwe, bo ubukifu buki! Umwene aamenye umwene—umwene aali na Kaya ukukilania kula. Uko ko kutalusya. Umwēne āli mwendanjila kangi nhesya apa. Umwēne ālōndāga a Kāya akākwiša.

Ngimba yula unsyōbi umpūti asanusyaga fiki ku mwēne? Umwene aali pasi pa bulagili bwa Kyala gwa Kumwanya, uyu afyusisye mmwanya Mwanundumiana Gwake, Kristi Yeso, kangi alinkumwisusya umwene na Mbepo gwa Kyala uyu atendike kumwanya na pasi. Mwaketa umwe lelo. Umwēne akāntilaga umwēne. Umma, nkulumba. Bufwe. . .

<sup>92</sup> Fiki, akabalilo kāko abēne balinkwēga unnini ugwaiyolo Stefani panja pala, nukuti, “Ega icyēne ukugomokako!”

Umwēne alinkuti, “Umwe mwe bumano-ilikosi, kangi basitakubūtīgwa mu ndumbula ni mbulukutu, umwe akabalilo kōsa mukulwāna na Mbepo Mwīkēmo. Bo mūmo aba gwīsēmwe bābōmbile, momūmo mukubōmba umwe.”

Abēne balinkuti, “Uswē twisakukutika ugwe ku bufwe!”

Umwene alinkuti, “Umwe mukābagile ukubōmba ikyo linga umwe . . .”

“Uswē twisakukunāngisyāga ugwe kali uswē twisakubombaga ikylene pamo mma!” Kangi abene balinkupimba amabwe amanywamu nukwanda ukuntika umwene mu ntu.

<sup>93</sup> Umwēne alinkukēta mmwanya, kangi alinkuti, “Une ngukubona Kumwanya kwīgwīke. Une nguketa amafyukilo gikusuluka. Une nguketa Yeso imile pa kiboko ikitalusye ikya Luyīndīko Lwāke.” Kangi i Bāngéli likāyobīle umwēne āfwīle; umwēne āgwīle ntulo. O, mwe! Une mbagile itolo ukumbona u Gwandumi ikwisa pasi, ukumpimba umwene mmwanya nu nsūbisya umwene bo yo mwana, u māma, mpaka umwene ābukile ukugona utulo. O, mwe! Naloli.

<sup>94</sup> Iyo yo fundo ya Mbepo Mwikemo. Ikyo kyo iki Kyala aatumile u Mbepo Mwikemo. U Mbepo Mwikemo isile ukupa ugwe a Maka. Une ndinago a Masimbo gamo agakongelapo apa, itolo i miniti. U Mbepo Mwikemo isile ukupa a Maka. Une—une ngaya mma. . . Ugwe ubagile ukukyaga iki; une itolo ndi kubutali fiyo, ikilo iki.

Ukukupa ugwe a Maka, Maka mu lwīpūto!

<sup>95</sup> Ugwe kwega u mundu uyu itūgēle ubumi ubununu, loli abene akabalilo kosa baponjologwe. “O, une ngukubula ugwe . . .” Mundu nnunu, “O, naloli, une nunganile u Ntwa, Nkundwe Branham.” Akabalilo kōsa, abēne nasiku ukuya nu lwīpūto lwāmūlīgwe.

Umwe mukwīsūsya u nkīkūlu unnini yula na Mbepo Mwikemo akabalilo kamo, kētēsya iki kikuboneka. Akabalilo kako umwene ikubuka pankyeni pa Kyala, umwene atikuponjologwa mma. Umwene ikwisa nubukifu ku Kikota kya Kyala, ikwitika. Umwene ali nu bwabuke panongwa yakuti umwene yo mwanundindwana gwa Kyala, ukwisila mu Kupāpīgwa.

Ega unnyāmbāla unnini yula, fiyo gwasoni, u bwāna ikumbaya umwēne mōsa ukukilania mbuyo. Ikuyoba, “Gūlila i miniti apa lilino.” Ikindukimo kyasanusigwe, muketile, umwene alinagwe u Mbepo Mwikemo. Ikyene kikukupa ugwe a Maka. Ubumi bwako buswile na Maka.

Ikyēne kikupa ugwe a Maka mbuyobelo.

<sup>96</sup> Fiki, mwe, abandu bala aba ba lutendekaga panja pala; Peteri, Yakōbo, Yohani, Luka, na bosa abangi ba abene. Abēne bābōmbīle bālīgīle mu kyūmba kya pamwanya, bikuyoba, “O, uswē tukabagila ukuyoba kangi mma. Abene, keta kula, aliko Dokotala *Gwakuti-na-gwakuti* na-gwakuti panja pala. Alipo u Rabbi *Gwakuti-na-gwakuti* kangi gwakuti. Umwe

mumenye, umwēne āli na madigri mana ga koleji; ngimba uswe tukwimilāmo siku ukulwana nu mwēne?” Peteri alinkuti, “O, une ngukūmbuka ngumūlisya u nnyāmbala yula iswi ilisiku limo. Umwene, umwene alinkuyoba, kangi une ngāmenye na iki umwene āyobela ngapo. O, une ngabagiile ukwimamo siku ukulwana nu mwene.” Loli fiki fyābombile. . .

“Ngimba uswe tubagile ukubomba fiki, bakundwe?”

“Umwene alinkuti, ‘Gulila.’”

“Ena, uswe tubombile tuli apa mmasiku mana.”

“Itolo umilisyaga ukugulila.”

“Kabalilo katali bule?”

“Mpaka.”

“Mulimosa, ngimba Umwēne āyobīle ikyēne kikuyaga pa lisiku lyakihano?”

“Umwene akāyobilēmo siku akabalilo katali bule. Umwene alinkuti, ‘Mpaka.’”

Ena, abene balinkumilisyaga itolo ukugulila. Butali bulebule? “Mpaka.” Amasiku lwele galinkukinda. “Mpaka.” Amasiku lwele na limo gākindīle. “Mpaka.”

*Kangi kubumalikisyo akabalilo kako ilisiku lya Pentekosti naloli lyafikīle nubwisusye, abene bōsa bāli mbuyo bumo, mu bwitikisano bumo.*

<sup>97</sup> Kyala āli pamwanya pa bēne, mu Libīngu lya moto; Kyala ālyēndīle na bēne, pa kīsu; lilino ikindukimo ikingi kyayaga pakuboneka pa buyo. Ikindukimo kitendekisye ukuboneka.

. . . abene baali mbuyo bumo, mu bwitikisano bumo.

*Kangi mbibimbibi itolo pala palinkwisa a kogo ukufuma ku mwanya ukuya. . . u mbelo ugwamaka umbopabopabopa, kangi ugwēne gulinkwisūsya kyōsa i kyūmba kūko abēne bālitūgēsye.*

. . . indimi indapukano . . . silinkwitūgasya pamwanya. . . abēne.

Ngimba *ndapi* ko kuti fiki? “Ndapukano.” Ngati ikitabū, ngimba mumpilikemo siku yumo ikutabilila? Abēne bikubūka, “uu-uu-uu, o, uu-uu,” muketile, abēne bakabagīla ukuyoba nakimo. “Injibanie, uluyabanikane.” Ngati ikyūga *i kitapukano*, kokuti ikindukomo iki “kitapukene, kiyabanikene.” Abēne bakayobaga mma. Abēne bakayobayobaga mma. Abēne bakābōmbāga nakimo lōli kukutēndēka unjwēgo.

. . . indimi indapukano silinkwitūgāsya pa bēne, siliti bo moto. (O, abēne balinkutoligwa ukwikola bēne!)

*Kangi abene bosa baalisusigwe na Mbepo Mwikemo, . . . (Whuu!)*

98 Polelo fiki fyabonike? Panja mu ngindi abene balinkubuka. “Ngimba ali kũgu yula Rabbi Jones? Ngimba ali kugu umwĩnitu yula? Kangi ngima ali kũgu yula unkulumba gwamahala?”

“Kyala āli pa uswe, na Mōse, mu lusingi ulwakano; Umwene ātuswĩlile uswe na mǎnna, pa Mwanya. Umwene alinkwenda na uswe ku fyinja fitatu na mihano-na-gumo. . . ifyinja fitatu ni myesi mihano na gumo, apa pa kisu. Loli lilino Umwene ali mwa une. Ikyēne akaya yo une uyu ikuyoba; ikyēne yo Mwēne. Une mmenye Yũyo Umwēne ali, kangi une mmenye uyu une ndi. Une ngaya kangi mma; Umwēne ali.”

Ntwala umwene pamwanya apa! *Umwe banyambala ba Israeli, kangi. . . umwe mwe mukwitugasya mu Yudai, unko iki kimanyigwe kwa umwe—kimanyigwe kwa umwe, kangi pilika ku masyu gangu, mwesa umwe balumbilili na ba rabbi.*

Whuu! Mwe! Amaka ga kuyoba! O! “Aba bakaya bagāle mma!” Ukwēgel’ulubafu kuli akayabo kanini kala, mia yumo na malongo mabili, ukulwana maelifu kalongo pamo ukongelelāpo.

. . . *aba bakaya bagāle mma, bo umwe mukusakikisya, ukukēta akene ko loli isala ya butatu iya lisiku.*

Une ne ndumbilili gwa Nongwainunu inyĩsule. *Loli iki kyo ikyo iki kyāyobigwe nu nsololi Yoeli;*

. . . *ikyene kisa kubonekaga mmasiku ga bumalikisyo, ikuti Kyala, Une nisakonelelaga panja. . . u Mbepo Gwangu (whuu) pa nyōfu guligosa: kangi ugwako. . . Umwe mukumbona Maria panja pala ikumoga mwa Mbepo, ukuyobela mu ndimi nu kwendendeka?. . . pa nyōfu guligosa: . . .*

. . . *kangi pa bāngu ababombibakikulu nisa Une ukōnelela panja. . . isya Mbepo gwāngu; . . .*

. . . *Une nisakunāngisyaga ifimanyilo mmyānya pamwanya kangi. . . nkati nkisu kũsi; . . . imbanda sya moto, kangi imyũyi gwa lyōsi:*

Kyala aali mu bandu Bake akabalilo kala. Ameni.

“Ena, lilino, ngimba idigiri ya fiki ugwe gwāli nalyo? Ko kũgu, i sukulu ya fiki ugwe gwāfumileko?”

99 “Ikyo kitikupela ubukindane bulibosa mma lilino.” O, umwene alinkwanda ukonelela mu Lisimbo.

(Davidi ākētile ngāni Umwēne!) . . . *Ntwa akabalilo kōsa pankyēni pa une. . . atisa kugutigwa mma:*

. . . *ukongelelapo indumbula yāngu yasangalwīke, panongwa yakuti. . . kangi ululimi lwāngu lwātendekigwe ukusangaluka;*

. . .umwene *atisakuleka u moyo gwangu mu gehena, somma-kangi umwene ukwītikisya u Mwikemo Gwake Yumo ukuketa ububole.*

. . .unke *une nubwābūke njobe kwa umwe isya tāta Davidi, . . .umwēne yo fyosa-fibili mfuāne kangi asyīlīgwe, kangi ilipūmba lyāke lili na uswe. . . ilisiku ili.*

Loli ukwisila mu nsololi. . .umwene aketile-ngani ukwisa kwa u Ngolofu Yula.

. . .kangi unke *ikyene kimanyisigwe kwa umwe, ukuti Kyala apelile uyu Yeso yulayula, Uyu umwe mwakomelile na maboko amabibi, fyosa-fibili Ntwa na Kristi. (Ameni!)*

<sup>100</sup> “Banyambala na bakundwe, ngimba uswe tukubombaga fiki ukuti tupokigwege?”

. . .alinkuti, *Pinduka, aligwesa gwa umwe, kangi yaga bōsigwe mu ngamu ya Yeso Kristi ku busyūle bwa mbībi syīnu, kangi umwe mwisa kwambililaga ikyabupi kya Mbepo Mwikemo.*

*Kabuno ulufingo luli kwa umwe, kangi ku bāna binu, kangi ku bene aba bali kubutali panja, bope na babingi aba u Ntwa Kyala gwitu isakubakolelangamo siku. (Ameni.)*

<sup>101</sup> Akabalilo kosa aka Kyala ali na bandu, Kyala ali ni Kipanga, Kyala alinayo u Mbepo Mwikemo ikukūyila ni Kyene. Ikyo kyo iki Kyala āpēlile u Mbepo Mwikemo. Abamahala bisakusyuka; bwila bali nakyō. Loli Kyala ali na banandi kubuyobumo. Kyala ali ni Kipanga ikinini iki kisakwendaga itolo nkyeni nu losyo lwa Mbepo Mwikemo, ukwiwobela u Lumuli. Kangi abēne bisakuyaga bo bābo aba, ukwisīla mu bukēti bwābo, bisakulōnga i kīsu.

Ngimba i Bāngēli likayoba Yeso āyobīle, “Basayigwege abapelelesye mu ndumbula; abēne bisakumbona Kyala”? Kangi ngimba Ilyene litikuyoba, ukuti, “Aba golofu, abikemo, bisakulongaga ikisu”? Naloli.

Ubuketi Bwako umwisyugu bwisakutwala u bulongi ukulwana na kaya aka. Ubuketi bwitu ubwa losyo lwa Mbepo Mwikemo na Maka ga Kyala, u bumi ubwikemo, bwisakutwala u bulongi ukulwana na kāya. Akabalilo kako iki. . .

<sup>102</sup> “Bala bābo bali bākūwānda bisakuyaga bābumalikisyo; bala bābo bali bākubumalikisyo bisakuyaga bākūwānda.” Une ndisakumanya nakimo isya Sankey na Moody, mbusyuke bwabo. Abene batisakumanya nakimo isya une, mu iki. Lōli une nisakwīma mu ubu, ukupa ubukēti; mōmumo nūgwe kwisakubōmbēla.



Kangi ukwisila mu ikyo, ukwisila mu kubalanila kwa Lumuli lwinu, kangi u losyo lwa Mbepo Mwikemo, kangi ukwisila mu bumi ubu umwe mwàlitugesye, ni findu ifi Kyala àbòmbile ukusisimikisya ukuti Umwene ikwenda apa; kangi na ba mahala gabo, balinkusooka ukufuma ku Kyene; abène bisakulongigwa na bikemo. Abène batalile balôngigwe. Abène batalile bakilenie ikyène. O, mwe!

<sup>103</sup> Une nayobaga pa Maka ga lwiputo, Maka ga buyobelo, a Maka ga bumi ubwikemo. Amenì. Ikyo kyo iki u Mbepo Mwikemo ikubombaga.

<sup>104</sup> Mwe bamo ba umwe bāndu mukwenda mu mula, mukuyoba, “Ena, une ngabagila itolo ukuleka ukunwa. Une ngabagila itolo ukukileka iki.”

U Mbepo Mwikemo ikwisa ukwitugasya mwa ugwe, ukupela fyosa ifi *ngabagila* ukusokamo kwa ugwe. Uko ko kutalusya. Ukupela abakikulu ukuleka ukutumula inywili syabo, ukubapela abene ukuleka ukufwala ibundu nisulubali. Kukayapo ukulēya. Ukubatendekāga bala ukuleka uluhēho. O, ena, ikyo kyo iki Ikyene kibikiligwe, ukukupela ugwe u būmi ubwikemo. Ikyène kisakukōnga indagilo sya i Bāngéli akabalilo kōsa.

<sup>105</sup> Unkikulu ikuyoba, “Ukwene kupile fiyo itolo fiyo; une itolo ngufimbilisigwa ukufwala ifi. Kikumbapo une untu umbābe linga une ngwitikisya inywili syāngu ukukula.”

Lōli kukayapo ukulēya na Mbepo Mwikemo. Ikyène kili pala ukutēndēka ikyène lúlo. Ikyène kisakukōnga i Lisyu itolo katikati. Ikyo kyo iki u Mbepo Mwikemo ikulōndigwa ukubomba.

Ikyène kyo kupela ugwe nnyāmbala ukusyūmbutunya untu gwāko ukufuma ku bala abakikulu abafwāla-sinda, nukuleka ukubanyonywa abène, kangi ba mbakasya ba kipānga. Ikyo kyo iki Ikyène kikulōndigwa ukubōmba.

<sup>106</sup> Ikyène kyo kuleka ukukupela ugwe ukukwēsa nu kunwa, nukuya. . . ukulōnda ukuya bwāna unnywāmu. Ikyène kisakwēga ikyo ukufuma mwa ugwe. Ikyene kisakukuyufyaga ugwe akabalilo kako ugwe kubomba ikyo. Ikyo kyo iki u Mbepo Mwikemo āpiligwe. Ikyene kyo kuli bumi ubwikemo. Uko ko kutalusya. Kikupela ugwe ukusōkapo pa luheho. Ukukupela ugwe ukuleka ukukina amakadi, ukusopa i nguli, na fyosa ifi ifindu ifingi ifi ugwe kubōmba ukusyungutila i nguto.

Ikyène kisakukupela ugwe ukuleka ukwēndendeka ukubunabuna mūmo ugwe kubōmbela, ukwitūgàla kisitabwānalōli ku nkasigo. Ikyo kyo iki Ikyène kisakubōmba. Uko ko kutalusya. Ikyène kisakuleka ukupela ugwe ukwēga u nkasi gwa munduyumo uyungi. Uko ko katikati kutalusya.

Ikyo kyo iki Ikyene kili. Ikyene kyo kikukupela ugwe ukwitugasya ubumi bwikemo. Ikyo kyo iki Mbepo Mwikemo ali Maka panongwa, “ukubika ifyakwikyela fyako pa findu Kumwanya,” kũko Kyala ikwima pa . . . ? . . . ilinogono lya Kristi mwa ugwe. Ugwe ukabagila ukutoligwa ukukéta i findu ifyo; akabalilo kãko ugwe kukéta ku fyène, ugwe sanusya untu gwãko. Uko ko kotalusya. Ikyene kyo kyakukupela ugwe.

<sup>107</sup> Ugwe kuyoba, “Une ngabagila ukubomba ikylene. O, une ngabagila itolo ukubomba ikylene.” Naloliloli, *ugwe* ukabagila.

Loli u Mbepo Mwikemo isile panongwa ya fũndo yila. Ikyo kyo iki Ikyene kibombile. Ikyène kisile ukwêga ikyène ukufuma mwa ugwe, fyōsa fya ifyène ifiyĩlo ni fĩndu ifi ugwe kubōmba.

Kula ukwaiyolo ukuhêha, ukwipãgula gwĩmwene, kuyoba, “Saya Kyala, une ne gwa Methodisti, une ngaya nakyo nakimo ikyãkubōmba na bēne aba bikemo-babunguluka.” U Mbepo Mwikemo isile ukwega ikyo ukufuma mwa ugwe.

<sup>108</sup> “Une ndi gwa Baptisti. Une ndi gwa Presbeteri. Une ngabagila ukubuka ku kabugutila ka bikemo-babunguluka kala.” U Mbepo Mwikemo isile ukwega gosa ubumilisi bula ukufuma mwa ugwe. Ikyo kyo iki Ikyene kibombile. Ikyène kikukusuka ugwe mu Lilopa; kikugolosya ugwe mōsa. Ikyo kyo iki Ikyène kisile ukubōmba.

Ikyène kisile ukukugolola ugwe mōsa. Umwēne āyobile, “Ukupela ama buyo amaniongale ukugoloka.” Ikyo kyo iki Ikyène kisile ukubōmba; ukugolala ikyène mōsa. “Ukupela amabuyo amafyũke ukuya pãsi; ukupela fyōsa i fyãmba ukuboneka ngati ifyène fyōsa fikumoga ngati utung’osi utunyãmbala, kangi amãni gōsa gakuba ifiboko fyãbo, kwa ugwe.” [Nkundwe Branham ikukuba amaboko gãke—Nsimbi.] Injuni sikwimba mbukĩndãne. Amabangala ga busangalusi gikukuba. Kukayapo ukulēya nakumo. Ikyo kyo iki Ikyene kisile ukubomba. Iyo yo fundo ya Kyala ukutuma u Mbepo Mwikemo, ukuti ugwe ubagile ukubomba ifindu ifi, ukuti ugwe kwendaga ukunkōnga Umwene.

<sup>109</sup> Lilino une ndikulonda ukubafulasya umwe, loli une mbabulile umwe une ndi apa nubusolofu bwa bwanalolindumbula ukukinda. Ukukyũnga ukubatita umwe, apo na apo une ngunyēla panja pa bugoloke pabuyobumo; nukusyãla nu Bwãnalōli, lōli ukusyãla pala nukutēndeka ikyène mu njila yimo yãkuti ikyène kitisakubatita umwe fiyo mma.

<sup>110</sup> Loli une ngulonda ukukubula ugwe ikindukimo. Linga i Bãngéli likuyoba ukuti ikyène kyo kisōbi ku nkĩkũlu ukutumula inywili syãke, kangi ugwe kuyoba ugwe uli nagwe Mbepo Mwikemo kangi polelo kutumula inywili syako, une nguswiga linga ugwe uli nayo. Komma ukukalala; linga ikyène kikubōmba, ikyo kikãli kikunãngisya kalipo akasolo akãngi ukulwana na ugwe.

<sup>111</sup> Linga i Bāngéli likuyoba ikyēne kyo kisóbi ku nkíkúlu ukufwala umwenda ugu guliti bo gwa nnyāmbála, kangi ugwe kufwála utu utunini utwaiyolo utu ofololo kangi isulubali panja pala pa nsebwe, umwe bakíkulu abakulano! Ngusakikisya u mwāna unnini isakuyaga mōsa. . . ikindu, iki abene bikukina na balumiana banini ni findu. Lōli, kēta, akabalilo kāko ugwe—akabalilo kāko umwe mwe mukulile bakíkúlu, kalongo-na-fihano, kalongo-na-fihano-na-kimo, kalongo-na-lwele mbukusi, ukufyuka kwa mbūya, panja apa pa nsebwe! Kangi i Bāngéli lyāyobīle, “Ikyēne kyo mwiko mmaso ga Kyala,” kuli u nkíkúlu ukufwala ifindu ifyo. Kangi ugwe kufwala ifyene, mulimosa, kangi kuyoba ugwe uli nagwe Mbepo Mwikemo? Une nguswiga utubalilo tumo. U Mbepo Mwikemo isakukonga i Lisyu lya Kyala ku lisimbo.

Kangi undumbilili kunyuma kwa kigemo, uyu akaya ni lipyana lyakufwana ukulumbilila Ilyene, une ngwilamwa umwene ali nakyo Ikyene. Ikyo kyo itolo katikati! Ena, ikyo kyo nōngwa u Mbepo Mwikemo alipo.

<sup>112</sup> Ikyēne kyo kokupa ubupake ku ndūmbililiy. Ikyēne kyo kupa ubwīkēmo ku kibugutila. Ikyene kyo ukukibika i Kipanga ndubatiko. Ikyene kyo ukutwala bumobwene bwa Mbepo. Ikyene kyo kikutubungānia uswe palikimo na Maka. Ikyene kyo kikubungānia uswe palikimo nu lugano, lugano lwabakundwe.

Une ndikupasya kali ugwe guli gwa Methodisti, Baptisti, Presbeteri, Luteri, kilikyosa ugwe uli, linga uswe twesa twaali Mbepo Mwikemo twalyosigwe mu Mbili gumogwene, kangi nukuya mbakasya sya Mbili gwa Yeso Kristi, pakayapo umma. . . pakayapo nakimo lilino, nakimo nkyēni; injala, ukufwa-ni-njala; nakimo kibagīle ukutupāgúla uswe ukufuma ku lugano lwa Kyala, u lugano lwa Kristi, “lugano lwa Kyala ulu luli mwa Kristi,” panongwa yakuti uswe tukupāpīgwa mwa Mbepo Gwāke, ukusukīgwa mu Lilopa Lyāke. Uswe twe kipeligwa ikipya. Ikyo kyo iki Kyala ālisīle ukubomba. Ikyo kyo iki u Mbepo Mwikemo ali. Ena, nkulumba. Ikyo kyo iki.

<sup>113</sup> Lilino, bāndu, keta kwa une, nkisyo. Amaboko mingi gafyusigwe mmwanya, umwe mwaali na Mbepo Mwikemo; muketile, naloliloli, pala bālipo. O, lilino une ne—une itolo nguyaga pakunyēla itolo pakayabo kanandi apa. Iki kikwēgelelīgwa pa tepi. Lōli uswe tukuyaga pakwega ifyakōngelelapo ku kyēne kilabo nkilo.

Linga ugwe kuyoba ugwe uli nakyo Ikyene, kangi utobesīgwe ikya ifi, une nguswiga iki kyo kikulōngosya ugwe. Kyala atisakulōngosya ugwe pānja pa Lisyu. Umwene isakukuyungaga ugwe ni Lisyu, panongwa yakuti ulo lo ndagilo sya Kyala Mwene, ulwa Kipanga Kyake, ku bandu Bake, ku bakikulu, kangi kuli nnyambala.

<sup>114</sup> “Ena,” yoba, “ikyēne kitikufulasya une ukubōmba *iki* pamo *ikyō*.” Ikyēne kitikubōmba? I Lisyu likuyoba ikyēne kikubōmba.

Kangi linga u Mbepo Mwikemo ali mwa ugwe, Umwēne isakukulōngosya ugwe kulakula ku Lisyu. Patikuyapo nasimo isyakulēya. Kyala atikutēdeka isanuko pamo isyakulēya. Umwēne ikutēndeka ubung’wāle kangi ugwe kōngaga ubwēne. Ikyo kyo kyosa. Ikyo kyo iki ikyene kili na aligwesa. Ugwe kwisa injila yilayila.

<sup>115</sup> Peteri alinkuti, “Pinduka, aligwesa gwa umwe; yaga bōsīgwe, aligwesa gwa umwe, mu Ngamu ya Yeso Kristi ku busyūle bwa mbībi syīnu, polelo ugwe kwisa kwambililaga ikyabupi kya Mbepo Mwikemo.” Muketile? Ikyo kyo kyene. Uswe tukufimbilisigwa ukutika ulukīndi lula.

<sup>116</sup> Lilino une ndikusanusya ukufulasya ubwipilike bwinu; une mbaganile umwe fiyo. Lōli, nkundwe, kalumbu, ngimba ugwe kusyāgania, ni . . . ukuti une mmenye ukuti une ngufimbilisigwa ukwīma mmasiku ga bumalikisyo ku busyuke bula, ni ngulilo iyi iya bandu, kangi ukupa inongwa ku Lisyu ili? Kangi u Mbepo Mwikemo ukunangisya iki, kangi une ngulumbililaga Ikyene panja pala, ngimba ugwe kwīmaga kugu? Ugwe kukilāniaga bulebule ni kyēne? Ugwe ukabagila ukubōmba ikyēne, mwinangu. Komma. Lilino ima ikyo. Kilikyosa iki ugwe kubomba ikyo kyo kisobi, ima ikyēne.

Ugwe kuyoba, “Une ngabagila.”

Polelo ugwe ukaya nayo u Mbagile-lwalo mwa ugwe tāsi. Akabalilo kako u Mbepo Mwikemo ikwisa, Umwene ikukupapa ugwe Maka pamwanya pa kisu. Kangi linga ugwe . . . Pilikisya iki Umwene āyobīle. “Linga ugwe kukigana ikisu pamo ifindu ifya nkisu, ikyene kyo nongwa yakuti ulugano lwa Kyala lukaya mwa ugwe.” Lilino, kukayapo ukwiayaya. Umwene ikutendeka ikyene ukuya pabwelu, kangi uswe tukufimbilisigwa ukwisa ku bungw’ale bula.

<sup>117</sup> Une mmenye umwe mukwīnogōna une ne ntīlisya. Lōli une itolo nditīlisya mwīsule ntalusye lilino. Muketile? Pilikisya. Ikyo kyo kyabwanaloli. Lilino isaga kuno ku Kyene, nkundwe, kalumbu.

<sup>118</sup> Komma ukuleka simo mwa isi ikoleji syamahala ukusyūngutila apa sikukubūla ugwe, “O, ifyo fyo fyaiyolo ifindu fyakifūnienie.”

Linga Ikyēne kyo kyaiyolo kīndi kyakifūnienie, polelo Kyala yo gwaiyolo gwakifūnienie. Kangi linga Kyala yo gwaiyolo gwakifūnienie, polole une nili, nīne. Amenī. Une ngulōnda ukuya bo Umwēne. Nongwa ya fiki? Mbepo Gwāke ali mwa une, uyu ali ni njala kangi ikūmilwa, ukukōlela kilikyōsa ikyakulwana ni Lisyu . . .

119 Linga abāndu bikuyoba, “Ikyēne kyo kili lōsa kitalusye kuli, o, linga u mūndu ikukina amakadi panini ku bwīkyēle, kangī itolo ikulagusya i nikele pamo ibili. Ikyēne kyo lōsa kitalusye.” Kyala ikuyoba ikyēne kikaya.

120 “O, linga ugwe kunwa itolo ikyakunwa kya pabwinake, kangī itolo ukufika pa bugāle paninbi, kamokene pa kabalilo.”

Loli Kyala alinkuti, “Aheli kwa umwene.”

121 “O,” ugwe kuyoba, “ikyene kyo kyosa kinunu, Nkundwe Branham. Une—une—une ngutumula inywili panongwa ya kindu ikyanaloliloli. U nkikulu, umwe mumenye, bosa abakikulu aba bikubomba ikyene.” Une ndikupasya iki bosa abakikulu bikubomba. Abene bakaya kyakwegelela kyako pamo abene bakaya bwana gwako. Linga ugwe uli nagwe Mbepo Mwikemo mwa ugwe, ugwe kukongaga indagilo Syake kisitakupasya isya iki abandu bikuyobaga isya ugwe.

122 “Ena, Nkundwe Branham, ukwene itolo fiyo kupīle, kangī une itolo ngufimbilisigwa ukufwala imyenda igi *gyakuti-ni-gyakuti* imyenda.” Gehena mpyāno ukukindapo apo, kalumbu mpala. Unko une mbabūle umwe ikyo. Kangī—kangī komma. Ugwe kumbukila ikyo.

123 Kangī u Mbepo Mwikemo akabalilo kosa isakubalongolelaga umwe ku Bwanaloli, kangī u Bwanaloli Bwake bo Lisyu. “I Lisyu Lyangu lyo Bwanaloli. Unko i lisyu lya mundu aligwesa liyege butungulu, loli unko i Lyangu liyege lyabwanaloli.”

Kangī inogona itolo, “ikya mwiko.” Ngimba umwe mubagile ukwinogona?

124 Ili lyo lisyu ilisisya kuli undumbilili ukuyoba, loli une mbukilemo mfyūmba-fya-butūsyo ga mabuyo mumo ikyene itolo kiku. . . Ugwe ubagīle ukufimbilisigwa ukusōka ukugomokela panja, kifuki, ikyēne kyāli itolo lūlo. . . Kangī ifindu ifinyali pa kibumba. Une ndinkwīnogōna, “Bulebule nkīsu babagile abāndu ukuya pāsī fiyo?” Kangī ukunūnga! Kangī akabalilo kāko une ngwīngula mmabuyo gala, une utubalilo twīngi nīnogwīne, “Ko kunūnga kuki!” Une āngali. . . Nkati mula, une ngukolaga imbulo yangu bo *ulu*, ukusuka amaboko gangu. Une angali ngutula ukuti akabalilo kako une negile ukukola pa kyīgulilo kya kifigo, kangī, pisakuyapo ifyakiknyanyasi ukufuma ku mbungo syabulogwe ni findu. Kangī une ndinkwīnogona, “O!”

125 Ilisiku limo, nimile kibanja kya ndege, limo mwa mabuyo gala une ndinkwingila, pamo ubuyo bwa sitima, Une ndinkwingila mu ikyo. Kangī une ndinkwinogona, “O, kisa.”

126 Kangī i Kindukimo kilinkuyoba kwa une, “Iyo yo njila ikisu kikununga kwa Kyala. Ikyene kyo mwiko.”

127 Une ndinkwinogona, akabalilo kako une nguketa unkikulu ikwenda pasi pa lukindi, na yumwene ipimbile panja bo lula, ni

myēnda ya nnyāmbala afwēle, ikyokyo iki icyēne kikubonekela kwa Kyala. Ikyēne kyo mwiko, ikindukimo iki kyo kyakinyanyasi kangu kikununga, pankyeni pa Kyala. Lōli, umwēne isakubūkága ku kipanga pa Ndungu, nukwimogesya mōsa.

Kula isakubūka u nnyāmbala pāsi pala, nu kunwa, nu kusyōba, nu kugana ihela, nu kunsyōba umpalamani gwāke, na filifyōsa ifingi, ukusyāga i hela inini isyakōngelelapo; nukubomba ifindu ifi, nu kulagusya, nu kukwesa, nu kunwa, nu butungulu; kangu polelo ukubuka ku kipanga nu kubikila ubuketi. Ikyāmwiko! Ifyakinyanyasi! Ikyo kyo kipanga icyamahala.

<sup>128</sup> Kuyoba, “Ena, une ningile ku kipanga.” Ena, kangu ukufimbilisigwa ukukileka i kipanga kisōke panja, amaminiti kalongo na mahano, ukuti bosa aba diakoni na bosa ba abene babagile ukukwesa, kangu u ntimi, yōpe, bo ugwe ukāli ukugomokela ukuya ni kipanga. Mbula une! Ipāgūla gwimwene ukufuma ku kindu kibwapufu!

<sup>129</sup> “Bwapusya umbili; une nisakugubongotola ugwene.” Kyala alinkuti Umwene ikubombaga icyene. Kangu umwīsyūgu, pamwanya pa kansa, ikupela malongo-lwele-na-limo-ni-kindukimo mwa mia isya nīfwa, ugwa mmilo nu kansa gwa mabagaya, ikupeligwa nu kukwēsa ingambo. “Bwāpusya u mbili; Une nisakugubōngotola ugwēne.” Lōli abēne bo batalulīle-ku-gehena fiyo, bikubūnguluka nkyēne bo ulu, abēne bakamanya.

Kangu undumbilili yumo imile pa kigemo na madigri mana, ukufuma ku koleji, ukukwesa, mwene. Unko une ngubūle ugwe ikindukimo, nkundwe. U Mbepo Mwikemo ātumigwe ukubakōléla abanyāmbála na bakikūlu ukufuma ku kindu kila. Ipāgūla gwimwene!

I lisyu *kipanga* likusanusya ukuya “bapaguligwe.” “Sōkaga panja ukufuma nkati mwa bene,” lyāyōbile i Bāngéli. “Komma ukupalamasya ku bubwapufu bwabo, kangu Une nisakukwambibilīga umwe; kangu umwe mwisakuyaga banabalumiana na banabalindwana kwa Une, kangu Une nguyaga Kyala kwa umwe.” O, mwe! Une ndikusanusya ukuya gwakabini, loli ngusanusya ukuya gwabwanaloli-ndumbula kangu ukuya gwabwanaloli. Ena, nkulumba. O, kyo kindu kinyali nki!

<sup>130</sup> Banyambala na bakikulu, ngimba uswe tukwima pōki umwisyugu? Ngimba tuli kugu? Unko uswe twime.

<sup>131</sup> I kilo ikingi, ukukilania akanini akakota kaiyolo mula mu kyūmba, (kangu une mbagile ukwīgala), akanini akaiyolo akakota akapeteke-pabili. Ukufuma pa kwiputila amasiku matatu pamo mana, polelo une ndinkufika mbuyo bwa luko ulu, ngusyungutila, nukwinogona, “O Kyala,” kangu une nāli mbuyo bwa luko ulu mpaka une ngāmenye icyākubōmba.

Une ndinkuti, “Kyala, uswe tuli ku bumalikisyo bwa nsebwe. Kangi une ngusyagania ukuti une ngānīgwe. Une mfumile pakuya nāsyo ingōlelo ukukīndilili nkyēni, nukuya nkatale, kangi ndinkitoligwa ukubōmba ikyēne.” Une ndinkwinogona polelo une nābagile ukumbona u Ntwa gwangu ikupepeluka ukukinda mu ngisi kula, akabalilo kāko Umwēne āli nkatale fiyo Umwēne kifuki ukutoligwa ukufyūsya ikilūndi kimo ukufuma pa kīngi, lōli Umwēne yōpe akāli. . . Alinkwīmila u nkīkulu gwa ku Naini, polelo kuli undumiana uyu ātwāligwe panja pala uyu āfwile; mpaka Umwēne ābagile ukubuka ukukilania nukupalamasya untaliko, nukubōmbela utumaka utunini utu twāli mwa Umwēne ukufyūsya u ndumiana yula. “Ena, ngimba une nākatele bulebule? Ngimba kitamisyē fiki na une, Ntwa? Apa une ngwinogona, ‘Ena, une ngwisa ukuya nkangale. Une—une ngabagila ukubomba ikyene.’”

<sup>132</sup> Ālipo Mōse, u Kyala yulayula uyu une nāmbōmbēla, ālimile ukukilania kula, ku fyiinja mia yumo na malongo mabili mbukusi.

Aalipo Kalebu, alinkwima pa bukusi bwa malongo-mahano-na-mana, nu lūbo nkiboko kyāke, kangi alinkuti, “Yoshua bika u lūbo ulu nkiboko kyāngu, ifyīnja malongo mana ifi fikindile.” Umwene āli malongo-lwele akabalilo kala. Alinkuti, “Une ne itolo mundu unnunu umwisyugu mumo une nāli akabalilo kala.” Ameni.

Une ndinkuti, “Kyala, yaga gwakisa kwa une.”

<sup>133</sup> Une ndinkuti, “Ena, keta kuno, une akabalilo kosa. . .” Kangi une ndinkumwega unyasi gwangu (kunyuma kula) ukwisila nkiboko, ukukilania ili Bangeli ili kangi ili Bangeli lyake ilinini, kangi une ndinkuti, “Luuki, une ne nkwabile-pasi fiyo. U Mbepo Mwikemo ikundobesya une nkati mwa une.” Une ndinkuti, “Une ngwinogona isya bala abalukoti panja pala. Une ngwinogona isya Kitili kya Hattie Wright kunyuma kula, na balumiana banini. Une ngwinogona isya iki Kyala ābombile, ukunangisya ukuti Umwene āli Kyala, uyu ābagile ukupela.” Aleluya!

Une ndinkwinogona, “Umwene ambulile ukuti, ifyinja ifi fikindilepo, ‘Une ndisakukuleka ugwe mma. Une ndisakukutagamo ugwe siku. Nayumo umundu isakwimaga pa ugwe, amasiku gosa ga bumi bwako. Une nguyaga na ugwe. Kangi ukufuma ku kiboko iki ikya kumanyila-ngāni, ikyēne kisakwisa mpaka ugwe kwisakumanya isyakubutūtu sya ndumbula. Ukufuma apo, ikyēne kisakufyūka mmwanyapo kangi pamwanyapo.’ Ikyinja ukufuma pala, kyasisimikisye nubupelelesye, ikisu ukusyūngutīla. Apa bukwise ubu, u butumīgwe ubungi ubu, kubutali ukukīnda ubwēne.”

Une ndinkuti, “Lūki, une ngwēga ikiboko kyāko. Nu butuli bwa Kyala ni lipyāna lya Kyala, nasiku ukundeka une ukuya

nkwabila-pāsi kangi. Unko une nende panja ku lusanio ulu apa ukulumbilila mūmo ngabōmbelamo siku pabutasi. Unko une mbuke apa, ku kwikemesya nimwene, nu kutendeka injila kuli abāndu; ukuti imbibi syāngu syēne, ukulekaka kwāngu kwēne kuyega pāsi pa Lilopa, ubusobe bwāngu bwēne buyege pāsi pa Lilopa, ukuti une mbagīle ukwenda panja nukuyoba, ‘Ngóngesya une, bāndu.’” Uko ko kotalusya.

Une nkibengile ukumbona u miana ikuyoba, “Ugwe bukaga kabombe ikyene.” Une niganile ukumbona umunduyumo uyu isakundongosyāga injila yakubōmbēla ikyene. Ena, nkulumba.

<sup>134</sup> Apa akabalilo kamo aka kakīndilēpo, uswe twāli nu moto pāsi nkāya apa, i Kampani ya Mafuta ya Pfau yakōlile pa moto. Abēne bāli nayo i Kiyabo kya Moto kya Jeffersonville pāsi pala. Kangi u mwīnangu gwa une, u nnyāmbala ununu, akasibilamo siku ku myoto iminywāmu bo lula, umwēne ēndaga kula, ikuyoba, “Pūta utwisi utunini pamwanya *apa*, balumiana. Pūta utwisi utunini pamwanya *apa*.”

Apa kakwīsa akanini aka Clarksville pamwanya pala, “ding’i, ding’i, ding’i, ding’i,” bikubopa pamwanya pala. Kangi umwene alinkuti, u unnyafyale gwa moto alinkunyela ukusōka, alinkuti, “Pūta utwisi utunini pāsi *apa*. Tika ilidilisyā ili *apa*. Pūta utwisi utunini *apo*.”

<sup>135</sup> Lōli ukukilania i kisoko bikwīsa abanyambala ba moto ukufuma ku Louisville. Ilikolekelo lila ni lifyūkilo bo likāli nukwīma mpaka u nnyāfyala āli ku bumalikisyo bwa lifyūkilo. Akabalilo kako amafyūkilo gābūkile mmwanya, umwene āli pa ntu. Alinkusopa i ndwānga yāke bo umwene akāli ukuya pala, nukutika ilidirisha panja, alinkuti, “Umweisa, balumiana!” Ikyo kyo kyene. U moto gwāsīmīle mmamini manandi.

Komma, “Onelele utwisi *apa*. Onelele utwisi utunini *pala*.” Ikukubīka ugwe mu linogono, bamo mwa balumbilili aba bāmahala aba.

<sup>136</sup> Isaga mula! Unko uswe tubūke! Une mmenye Ubwēne bo Bwanalōli. Une ngōnjile nukukibona. Lwīmīko! U Mbepo Mwikemo yo ntalusye. Kyala nnūnu. Komma gela *apa*, gela *pala*; unko uswe twēnde mwa Umwēne! Umwene ali apa. Ikyene kyo kya ugwe. Kyala alipele a Maka Gake ku Kipanga Kyake. Koma pūta *iki* apa, kangi pūta panja; ugwe utisakufika nakimo kikubōmbigwa. Longolela nkyēni! Amenī. Uu! Whuu! (Ngabagila nukukēta ukukīnda ifyēne kangi mma.)

<sup>137</sup> Amenī! Ngimba uswe twisakubombaga fiki? Umundu aligwesa itugesye apa īswīle ni kindukimo.

Polelo une ngwigalaga; ngufīmbilisigwa ukuya, ukufuma apo.

Ugwe gwīsusīgwe ni kindukimo. Ugwe ukabagīla ukwitūgāsya pala kisita kuya mwīsusgwe ni kindukimo. Ugwe



uli nu bŭmi mwa ugwe. Ubŭmi bula bukulagila ugwe, kangi u bŭmi bula bukupakisigwa nu mbepo.

Lilino, ugwe ubagile ukuya mwisule ni kisu, ukugana ikisu pamo ni findu ifya nkisu. Kyala ayege ni kisa kwa ugwe.

Ugwe ubagile ukuya mwisule ni fimanyisyo ukufuma ku kipanga kimo, inyiputo inini isi ugwe kuyoba, ugwe kwinozona ukuti ikyene kikwisaga ukummwiputa ku mundu yumo umfwano, pamo—pamo ukutendeka uluko lumo ulwa kimanyilo ukukilania ugwe. Kyala ayege gwakisa kwa ugwe.

<sup>138</sup> Kangi ugwe kuyaga mwiswile nu bwiputiputi, kangi ikyo kyo kibibipo tasi. Uko ko kotalusya. Uko ko kotalusya. Ili Bangeli liyobile, “Mmasiku agabumalikisyo abene bikuyaga biputiputi fiyo, bikuya nu luko lwa bunyakyala; ukuya nu luko lwa bunyakyala, loli ukukana a Maka aga galimo: ukufuma ku luko ulu syŭmbutukako.”

Linga ugwe gwiswile nu bwiputi, ugwe gwe mpelakisa; itolo bwiputiputi, ikyo kyo kyosa. Linga ugwe gwiswile ni fimanyisyo, ugwe utikumanya iki ugwe kuyobelapo. Linga ugwe gwiswile ni kisu, ugwe gwe mfwamaso.

<sup>139</sup> Kangi polelo, kangi, ugwe ubagile ukuya gwiswile na Mbepo Mwikemo. Ameni. Une ngusubila ugwe guli. Kangi, linga umwe mukaya, une ngusubila umwe mukwisusigwaga. Kangi linga ugwe gwiswile na Mbepo Mwikemo, fyo fiki ugwe uli nafyo? Ugwe uli na Maka. Ugwe uli nu lugano. Ugwe uli nu lutengano. “Lutengano Lwangu Une ngubapaga umwe; komma bo mŭmo ikisu kyapasi, ngubapa Une umwe.” Ugwe uli nu lutengano. Ugwe ufungiligwe. Ugwe uli ni kimanyilo. Ameni. Ugwe uli nalo ulutŭsyo. Ugwe uli nabo ubuhobofu ubusitakuyobigwa, kangi gwiswile nu lwimiko. Ugwe ukimisigwe. O, mwe! Ikyo kyo iki ugwe uli, na Mbepo Mwikemo. Ugwe uli . . . Linga ugwe ulinabo ubwisusye bwa Mbepo Mwikemo, “Ugwe ukilenie ukufuma ku bufwe ukubuka ku Bumi,” kugŭlila kuli ubusyŭke bwabosa mu lisiku lyabumalikisyo.

<sup>140</sup> Nkisu iki kikwisa, ukwisila mwa Ntwa gwitu Yeso Kristi, kangi uyu alimbwene Umwene ukwisa mu lwimiko na mubwimikigwe, “I nyanja yisakupaga abafwe bake.” “Imibili imibolano gya bala bagonile mwa Umwene gisa . . .”

“Gon’utulo mwa Umwene.” Ngimba ugwe kufika bulebule mwa Umwene? “Nu Mbepo yumoywene uswe twesa tŭsigwe mu Mbili gumogwene.”

“Imibili imibole igya bala babo bagonil’utolo mwa Umwene gisakusanuka nukutendekigwa ngati bo Gwake Gwene umbili ugwalwimiko, kuko Umwene abagile ukuponjola ifindu fyosa ku Mwene.”

“Une ndinkupilika i Lisyu ukufuma ku Mwanya,” alinkuti Yohani, “lilinkuyoba kwa une, ‘Simba, ‘Basayigwege a bafwe

aba bikufwa mwa Ntwa . . .””” Ngimba ugwe kuyaga bulebule nkati? “Nu Mbepo yumoywene uswe tōsígwe mu Mbili.”  
 “““ . . .aba bikufwa mwa Ntwa ukufuma apa ukubuka nkyeni; kabuno abēne bikutūsyā ukufuma ku sukuliko syābo; kangi imbombo syābo nalōli sikubakōnga abēne.””” Hum!

Ikyo kyo iki Umwene ātumile u Mbepo Mwikemo. O, busayigwa ubusisimikisye, Yeso yo gwāngu! Une ndi mwa Mwene, kangi Umwene ali mwa une; u Tāta mwa Umwene, kangi Umwene mwa Tāta; kangi u Tāta mwa une, kangi Une mwa Umwene.

. . . Yeso yo gwangu!  
 O, ko kugonjela-ngānīla kuki ukwa lwimiko  
 Lwakyala!  
 Une ne gwakilingo gwa bupokígwe,  
 kyakūlígwa kya Kyala,  
 Mpāpígwe mwa Mbepo Gwāke, akabalilo kāko  
 nsukígwe mu Lilopa Lyāke.

Ameni. Une ngābagīle ukukisanusania ikyene. O, mwe!

Gosa amabwe amapala na ma diamondi, na  
 siliva na golidi,  
 Inyambi Syake sīswile, Umwene ali ni fyūma  
 ifi fikayobigwa.

Kabuno une ne mwāna gwa Mwalafyale!  
 Une ne mwāna gwa Mwalafyale!  
 Na Yeso Mpoki gwangu,  
 Kikumbela une ukuya mwāna gwa  
 Mwalafyale!

<sup>141</sup> Ameni na ameni. Une ngabagila ukusanusania ikyēne. Une ngabagila ukusanusania ikyēne. Une ndinago mabili pamo matatu a Masi- . . .

Polelo, apa lilipo i Lisimbo ilingi. Akabalilo kāko—akabalilo kāko ugwe gwīsusígwe nu Mbepo Mwikemo, ikyo kyo findu ifi ugwe uli nafyo. Polelo ugwe uli fiki, ku kisu? Nhesya. Une mmenye ukwene kwilile, loli ukwene kukaya kwilile fiyo ku iki. Nhesya! O!

Uswe twe bendanjila kangi uswe tuli bahesya  
 apa,  
 Uswe tukulondalonda a Kaya aka kakwisa,  
 U bwāto bwa būmi lululu bukwisa,  
 Ukubūngania u Tubwe Twāke ku Kāya.

<sup>142</sup> Une mbagile ukupilika ukunyāfuka kwa misi kula pa Kisōko Ohio, akabalilo kāko une nāli ndumiana nnini gwaiyolo, kifuki fyinja malongo-mabili-na-fibili mbukusi, ngwimba kila pala. Kangi une ndinkupilika, ndilinkukétela pamwanya pa une, kangi ndinkupilika i Lisyu, lilinkuti, “Keta mmwanya.” Apa pakwisa bula u Bwēlu ubunywāmu bwitūlike palapala

ukukilania, bukwīsa bukwēnda ukusuluka pamwanya pa une, kangi bulinkuti, “Mumo Yohani u Mōsi ātumígwe ukutalula ukwisa kwākwanda kwa Kristi, ugwe kuyaga ni Ndumi iyi yisakutalula u Kwisa kwakibili kwa Kristi.”

O, ngimba une mbagile ukwitika bulebule ikyene? Loli ikyene kyabonike itolo lulalula. Kangi ikilo iki isayo sya lusasano sikupya ukusyungutula kangi ukusyungutula ikisu kya pasi. Ikikulumba ikitabuligwe i Kipanga kwa Kyala kyālifyūsisiye Kyēne ukufuma pa buyo bula, kangi ingulumba isasano sya bubūmbulusyo, ni fimanyilo, ni fiswigo, kangi ifika, fikunangisiya panja u Kwisa.

<sup>143</sup> Ugwe gwe nhesya, kangi ugwe gwe nhesya. Ugwe kubomba ifindu ifihesya, ifikindanekindane ifi ugwe gwālisibile ukubomba. Ugwe utikubombela bo mumo ugwe gwabombelaga. Abandu. . . U Mbepo Mwikemo, akabalilo kako Ikyene kikwisa pa ugwe, kangi ugwe kuyaga mwisusigwe na Mbepo Mwikemo, ugwe kusūla ifīndu fya nkīsu. Ugwe kusūla ifīndu ifi fyābagile ukukutamia ugwe. Ugwe kukisūla ikyēne. Polelo ugwe kuyaga i—i kipeligwa, ikibōmbela-mbukīndāne, ilisekwa linyali, ku bene, akanīni aka ngwāsi aka kāpānjigwe pāsi pa kifūmbwa kya nguku; iki une nālūmbilile, *Kangi Akabalilo Kāko I Ngwāsi Yikufulugania Ikifūmbwa Kyāke*. Ugwe gwe kipeligwa ikiboneke-ikisekesye, ku bene.

Lōli, o, mwe, kufyūka u Nsebwe-unywāmu gwa Mwalafyāle! Amenī. O, ugwēne go Nsebwe-unywāmu ku Mwānya. Kangi une ngufyūka u Nsebwe-unywāmu gwa Mwalafyāle.

Bikuyoba, “Kēta yula umbunguluka-mwīkemo, lila ilisēkwa ilinyali. Yula yo yula undumbilili umbunguluka-mwīkemo.”

<sup>144</sup> Undumbilili yumo umfumuke alinkuyoba ku nnyambala umwisyugu, mu Louisville, alinkuti, “Une ngulonda ukuntula Nkundwe Billy, loli ugwe umenye ifi une mbagile ukubomba? Une angali ngufīmbilisigwa uku tupula a makosi gangu panja.” Ugwe utikufimbilisigwa ukupula amakosi gako kuli une.

Umwene ātupwīle ubumi Bwāke pānja kuli une. Amenī! . . . ? . . . Ikwenda itolo pa Nsebwe gwa Mwalafyale, ikyo kyo kyosa. O, mwe! Isusígwe nu Mbepo Gwāke! Apāpígwe nu Mbepo Gwāke! Nsukígwe mu Lilopa Lyāke! Aleluya! Nsungalwike!

<sup>145</sup> Kangi polelo ikindu ikingi, fiki, ngimba fyo fiki fikukupela ugwe ukubomba ikyo? Ugwe ukāli uli mundu, loli kyo kiliku iki kukupela ugwe ukubomba ikyene? Yo nongwa yakuti ugwe kwisa, ugwe, Mbepo gwako ikufuma ku mwanya. Umwene yo Kyala mwa ugwe.

<sup>146</sup> Akabalilo kāko une nābūkīle ku Roma, une nākētesisiye ukuti abēne, aligwesa, āli nu mbepo gwa kiRoma. Akabalilo kāko une nābūkīle ku Greece, abēne bōsa bāli nu mbepo gwa

kiGriki. Une ndinkubūka ku England; abēne bōsa bāli nu mbepo gwa Kingereza. Akabalilo kāko ugwe kubūka amabuyo, ugwe kwāga . . . Polelo ugwe kwāga u mbepo gwa kiAmerica; ikyene kyo kibibi.

<sup>147</sup> Akabalilo kāko une nābūkile nkati mu San Angelo mu mbako ku Roma, abēne bāli nk kimanyilo pamwanya pala, “Ngulamba, abakikulu ba kiMerika, fwala imyenda, ukuyindika abafwe.” u mbepo gwa America.

Bakētēsya abēne bikusula ukufuma mu ndēge, kangi tula utwēnda utunini bafwele, kangi aligwēsa ikubūka ukukēta abēne, kangi apa ikwisa Ndindwana America. Uyo yo mbepo gwa kiAmerica. Ugwe ubagile ukukīndanisa kūko umwēne afumileko; afwēle mōsa, ndumiana, ikukwāba akanini akaiyolo akamapūngo-mu-mbulo akabwa ka pudu kunyuma kwāke. Uko ko kutalusya. O, ena, umwene yo . . . Umwene, umwene yo America, Ndindwana America; ikwenda pāsi, umwe mumenye, gwamatingo bo ulo. Fiki? Umwene alinayo mbepo gwa Kimerika. Lōli Yeso alinkuti, Umwene ābikīle ubuketi ukulwana ni kyene ilisiku lila, Umwene alinkuti, “Ugwe ufumile ku kīsu iki pāsi. Une ne mfuma ku Mwanya.”

Kangi linga ugwe uli nu Mbepo gwa Kristi mwa ugwe, ugwe ufumile ku Mwanya, polelo ugwe uli nhesya kuno.

<sup>148</sup> Loli ugwe uli ni kipeligwa kya buyo ubu ugwe ufumileko. Ikyo kyo iki une ngugela ukuyoba. Ugwa kiRoma ikwisa kuno, umwene ikwing’walang’wala muntu gwake; kangi um’Germany ikwisa kuno; gwaMerika ikubuka kula. Fiki? Ugwe uli ni mbepo sya fīsu fila ugwe kufumilako.

Ikyo kyo kikapela uswe ukuya bakīndāne fiyo ku kīsu. Ugwe ufumile ku Mwanya. Ugwe upāpigwe. Ugwe gwe—ugwe gwe mwenekaya gwa Kitangalala ikingi. Ugwe kwitika ikyene? Ikyo kyo iki u Mbepo Mwikemo ali, ko kutendeka ugwe ukuya mpapiligwe gwa Kitangalala kya Kyala.

<sup>149</sup> Polelo, linga ugwe uli mpapiligwe gwa Kitangalala kya Kyala, ngimba Ikyene kikukupela ugwe ukubomba bulebule? Bo yu Kyala ikubomba mu Kitangalala Kyake. Lilino, ngimba Kyala ikubomba fiki mu Kitangalala Kyake? Ikyene kyo bugolofu, ubwikemo, ubwifyusi bwa linogono, ubwifyusi bwa linogonelo; Maka nu lugano, lukubuka ku bayōnge, ukubumbulusya ababine, ukubōmba ifika, ukubomba ifindu ifikulumba. Polelo, ku kīsu ugwe kukētigwa nsyutano, kangi abēne bikuyoba, “Abamiana bala bali panja pa ntu gwābo.” Muketile? Loli ugwe guli mwenekaya gwa Kitangalala.

<sup>150</sup> Ili Lisimbo limolyēne ilyakongelelāpo, linga umwe mukulōnda ukusimba ilyēne pāsi, Yohani 12:24. Unko une nāndisye ilyēne kwa umwe nakalinga itolo. Yeso āyobīle:

. . .linga *ikilombe kya ngano* kikugwa *mu mfu* . . . pene papo ikyene kikufwa, ikyene kikabagila ukutwala panja u bumi ubungi.

Lilino, kēta, kumokwēne ukuyobelapo kwakwīgalila lilino. Kangi kumbukilāga, polelo, ikyēne kyo naloliloli . . .Lilino, kwa umwe bāndu, ikyēne kyo naloliloli kyākulōndígwa kangi kikulōndígwa, kangi kwakufīmbilisya kangi kyakufīmbilisigwa, ukuti ugwe gwāmbilile u Mbepo Mwīkēmo lilino. Kabuno, linga ugwe utikubōmba, ugwe ukabagila ukwīsa mu busyuko. Lilino kētésya. Kyala akabagila ukubongotola indagilo Syāke. Uswe tumenye ikyo. Umwene ikukōngésya indagilo Syāke.

<sup>151</sup> Lilino, i–i mbeyu ya ngano, pamo kilombe, uswe tukwegaga, bo yu Yeso āyobile pala. Ena, i–i kilōmbe, mwi Bāngéli, une nābālāga itolo ikyēne umwīsyūgu, kikusōsōla ku liluba pamo uluko lulilōsa lwa mbeyu, lōli, ngano, mapemba, bārāle, pamo kalikōsa, ikyēne kyo kilōmbe. Lōli akabalilo kāko ikilombe kya ngano yikugwa mu mfu, lilino, kilipo . . .Twesa ba uswe apa tukētīle, tumenye iki kikuboneka. Ikilombe kya ngano, pamo imbeyu ya kilombe, yibagile ukuboneka mumo kiylilile ubupelesye mumo ikyene kibagile ukuya, kangi ugwe kukibika ikyene mumfu, kangi linga ikilombe kila . . .

Ikyēne kili nu būmi busitakumalika. Ikyēne kisakubūka pāsi umwīsyūgu, ikwibāsya kyēne mu lupīfwa; kangi ukwīsa ukugomokela ukusuluka, kangi ukufyūka mmwanya kāngi; kangi ukugomokela kunyuma kāngi. Ikyēne kyo būmi ubusitakumalika.

Linga ikilōmbe kila kikaya ni mbeyu ya būmi mu kyēne, kāli ikyēne kikuboneka kimogi bulebule, ikyēne kitisakusyūkāmo siku. Ikyene kikubukaga ku mfu nukubola, kangi ikyo kyo kyene. Kiyabo kya kyēne, i findu, kibagile ukubōmbeligwa kuli imboto ni findu nkati mu mfu. Lōli ukufwana nukuti ikyēne nasiku ukuya nu būmi kāngi, ikyēne kitisamo siku ukuya nu būmi pene pāpa ikyēne kilinabo ubūmi busitakumalika mu kyēne. Aligwesa amenye ikyo. Ugwe itolo ukabagila.

<sup>152</sup> Pabagile ukuyapo amanyāmbāla babili, yumo mwa bēne itolo katikati, bosa-babili ba abēne itolo bafwenefwene. Yumo mwa bene abagile ukuya nnyambala unnunu, umwene abagile ukubomba imbombo inunu, umwene abagile ukubomba fyosa bo ifyo; loli péne pápo u mundu yula ali nu Bumi bwa Syepwa mwa umwene, umwene atisakusyukamo siku mu busyuke. Umwene akabagila ukubomba ikyene; kikayapo nakimo pala ukusumusya. Kikayapo nakimo ikyakuntwala umwene mmwanya, pakayapo u Bumi. Polelo, ugwe uketile, nkundwe gwangu umpala, kalumbu gwangu umpal, péne pápo u mundu apapigwege kangi, umwene akabagila mu njila nayimo ukugomokela mu Kitangalala iki. Umwene akabagila. “Pene pápo i Kilombe kya ngano iyi yikugwa mu mfu kangi yikufwa.”

Umwene äyobága isya Mwene. Lōli Umwēne āli, komma ubūmi ubwakukindilila, Umwēne āli nu Būmi Bwasyēpwa; kangu u Bumi Umwene apele kwa ugwe, ukuti ugwe ubagile ukuya nu luko lulalula ulwa Bumi.

<sup>153</sup> Lilino, linga ugwe uli nabo itolo u būmi bwa būndu, ubwakufwana ukūkwendesya ugwe ukusyungutila nu kunyonywa, “Umwēne uyu ikwitūgala mbwinoge yo mfwe bo akāli mūmu,” ugwe ukabagile ukufyūka. Ugwe ubagile ukuya ndīndwāna umfumuke ukukīnda mu sukulu, ugwe ubagile ukuya ndīndwāna umfumuke ukukīnda ku lukino lwa makadi lwa bupalamani bwāko, ugwe ubagile ukuya nkīkūlu umfwīkigwe ukukīnda-bōsa nkīsu, ugwe ubagile ukuya mmogi ukukīndabōsa, ugwe ubagile ukuya njēngigwa unkīndabōsa, ugwe ubagile ukuya kifwani ku ndumego, ugwe ubagile ukuya fyosa ifindu ifi, ifi, ifyo fyo finunu, loli, Kalumbu, pene papo ugwe uyege nu Mbepo Mwikemo mwa ugwe, uyu yo Bumi Bwasyēpwa, ku bumalikisyo bwa nsebwe ugu ugwe umalike.

Kangu une ndikupāsyā iki ugwe kuboneka ngati pamo mūmo ifīndu ifi fiyīlile, pamo mūmo ugwe uyīlile ubusitabufumuke pamo ubufumuke, mūmo uyīlile ubumogi pamo ubunyali, linga ugwe uli nabo u Būmi Bwasyēpwa, *Kula* ugwe kwisakwitūgala kwa bwilanabwila kangu bwilanabwila.

<sup>154</sup> Akabalilo kāko u mwēsi ni ndōndwa sikīndīle, kangu ikīsu kikūtīle kyēne nkati mfyāmba kangu mululāngalānga, kangu kilikyōsa kili, kikaya, ikyēne kikayapo kangu'mma, kangu ikīsu kikupepeluka ngati nnyāmbala ungāle ikwīsa kukāya pa kilo, kangu indōndwa sikukana ukumulika, nukugwa ukufuma kumwanya, kangu u mwēsi gikusanuka mu lilopa, kangu i—i lisuba likuya ni soni nukufisa ikisyo kyake, akabalilo kako ifyene fikumbona u Mwanundumiana gwa mundu ikwisa, ugwe kwisakumulikaga mbugolofu bwa Yeso Kristi, ukusōka panja ukufuma ku lipūmba ukuya nkīkūlu unkeke, ummogi, kukwēga u ngānigwa gwāko, nukwitūgala kwa bwilanabwila na bwilanabwila na bwilanabwila, kangu ingulilo syōsa i Syasyēpwa ugwe kwisakuyaga gwābūmi. Ikyo kyo iki u Mbepo Mwikemo apēgwīgwe.

Linga ugwe kwipilika ukukwāgīgwa pabunini fiyo, komma ukukupīka Ikyēne.

<sup>155</sup> Ngimba u Mbepo Mwikemo yo fiki? Kyala mwa ugwe. Ngimba Ikyene kyo fiki? Ukukīndilīla imbombo Yāke pakati pa bāndu Bāke; ukutwāla i Kipanga Kyāke palikimo, ukutwala i Kipanga mbuyo mu lisiku ili, kubutali ukukīnda aba Luteri, Methodisti, na Pentekosto, mbuyo ku bufwīkigwe kangu ipyāna Lyakunyakiligwa. Ukuti, akabalilo kako ikiyabo iki kya Kipanga, akabalilo kako u Mbepo ikwendendeka mu Kipanga iki apa, ikyene kikufyukaga itolo; kangu ikyēne kisakutwālāga

pānja, ukutwāla panja bōsa aba batabulígwe aba bapalamāsísye u Mbepo yula.

Bala a baLuteri aba bālímile pala nu bwēlu bōsa ubu abēne bāli nabo, mu bwitikisigwe; aba Methodisti bala aba bāgwīle pa kipālo, kangi abēne basopīle amisi nkisyo fyābo, ukufuma kwa Mbepo ukutika abēne ukwisila mbukemesigwe; bala a baPentekosti, ukuti abēne bālyēndile ukufyūka-nu-kusuluka u lukīndi nukubabilikila abēne “ndimi-ku-libagaya,” kangi, o, “bayoba-mbibimbibi,” kangi “mu njobelo ya lisēkwa,” kangi fyōsa fya ikyo; abene bisakwimaga mu bugolofu, mbuketelo bwa Kyala ku Lisiku lila, itolo ukuya nsisimikisyo bo i Bāngèli ili limile apa. Linga umwe mukunytika une ukuya mbōmbi... Umwe mukungolela une nsololi Gwake; une ndikuyikolela nimwene ikyo mma. Loli, umwe pilikisya, une ngubabula umwe mu Ngamu ya Ntwa. Bala aba bali mwa Kristi isa Kyala ukutwalaga nu Mwene ku Kwisa Kwāke, ku busyuke, kangi bene babo bali mwa Kristi.

<sup>156</sup> Ngimba uswe tukwisa bulebule mwa Kristi, bakamu?

“Ni kimanyisyo kimokyene uswe twesa tulungisígwe nkati”? Umma.

“Nu kuponania kwa kiboko kumokwēne uswe tukwābiligwe nkati”? Umma.

“Ukwisila mmisi gamogene uswe twesa tōsígwe mu”? Umma.

Pamo, “Ni kipanga-kipāgúke kimo uswe twesa tupāgwíke mula”? Umma.

Loli, “Ukwisila...” Bakorinti Bakwanda 12:13, “Ukwisila mwa Mbepo yumoywene,” u Mbepo Mwikemo, Mbepo gwa Kyala, “uswe twesa tuli...” Methodisti, Baptisti, Luteri, Presbeteri, “Enda mu Lumuli, mūmo Umwēne ali mu Lumuli, uswe tuli nu bulilansi yumo nu nnine, kangi i Lilopa lya Yeso Kristi, u Mwanundumiana gwa Kyala, likutusūka uswe ku busitabugolofu bōsa.” “Ukwisila mwa Mbepo yumo uswe twesa tōsígwe mu Mbili gumogwene, kangi tūtēndekígwe balilansi ba lipyāna Lyāke.”

<sup>157</sup> Ugwe ukabagila ukubuka ku Bulongi. “Umwene uyu ikupilika a Masyu Gangu kangi ikwitika.” Nayumo umundu abagile ukwitika mpaka umwene alinagwe Mbepo Mwikemo. “Kangi nukummwitika Umwene uyu ālindūmīle Une,” akabalilo kākō u Mbepo Mwikemo abīkīle ubuketi bwa busyūke Bwake. “Ali nu Bumi bwa Syepwa, kangi atisakwisamo ukwisamo mu bulongi siku, loli akilenie ukufuma ku bufwe ukubuka ku Bumi.” Fiki? Ugwe utisakukolamo siku u Bulongi. Ugwe utisakwīmāmo siku ku Kikota i Kyelu ku bulongi.

Ugwe kwagana nu bulongi bwako papapa apa. Ugwe ukilēnie ukufuma ku bulōngi akabalilo kākō ugwe ukilēnie

kangi kuyoba, “Une ngaya nnunu nakamo, kangi ubumanyili bwāngu bukaya bununu mma. Ntwa, isaga mwa une, nukunyega une nukundongosya une, Ntwa. Une ndikupasya iki ikisu kyapasi ikyafigili iki kikuyoba. Ndōngósya une, Ntwa, nu Mbepo Gwako.” Ugwe ulōngígwe akabalilo kala. Ukulonga gwimwene ukuya ntoyofu gwa Kristi, kangi, mu bugolofu Bwāke, i Lisiku lila uswe tusakwima kisitakufwa mu bufwāne Bwāke.

<sup>158</sup> Injila yimoyene itolo. Bulebule? “Nu Mbepo yumoywene uswe twesa tōsígwe mu Mbili gumogwene.” Kangi akabalilo kako ugwe uli mu Mbili gula, ubulongi butalile bulongile u Mbili gula, kangi umwe mumwítike Umwēne ukuya kyakuhōmba kya butulwanongwa bwāko.

Ugwe kuyoba, “Une mbombile ikyo, Nkundwe Branham.”

Polelo, linga u Mbepo Mwikemo agomokile nukukupa ugwe ikifūngilo ukuya kimanyilo, u Mbepo yula ikukutwala ugwe mu Mbili gwa Kristi. Ugwe kusanuka ukugomokela injila iyingi, kangi ugwe gwe kipeligwa ikipya mwa Kristi Yeso. “Ugwe ukilēnie ukufuma ku bufwe ukubuka ku Būmi. Ifindu ifikūlu fibūkile, kangi ugwe uli mpya mwa Kristi!” Ameni!

<sup>159</sup> O, ngulamba, unko une mbapepēkège umwe, nkundwe gwangu Nkristi pamo kalumbu. Komma ukwitikisya ulusasanio ulu lukukindege ugwe. Ugwe kufimbilisigwa ukwambilila Mbepo Mwikemo. Ngimba Ikyene kyo fiki? U Mbepo gwa Kyala. Ngimba Ikyēne kyāli kya fiki? Ukulōngōsya ugwe, ukulōngolela ugwe, ukukwīsusya ugwe, ukukukēmēsya ugwe, ukukubilikila ugwe pānja, ukubūka n’Kipānga.

Ngimba i kipanga kyo fiki, ngimba i lisyu *kipānga* lyo fiki likusanasya? “Bakōlēlígwa panja, bapāgulígwe.” O, mumo une nābagile ukwega u bulumbilili ukufuma ku ikyo lululu lilino! “Bakōlēlígwe pānja, bapāgulígwe,” bahēsya, kubutali ni kīsu, bendanjila kangi bahēsya, ukufumusya ukuti uswe tukaya nako apa na kaya akapakisu aka uswe tukunyonywa ukwitugasyamo. O, mwe!

<sup>160</sup> Bo Abraham, na Isaki, na Yākobo, basāmile, bēmbelaga, ukwītugasyá mu fihēma nkīsu. Abēne bikufumusya abēne bāli bendanjila kangi bahēsya, imbeyu ya mwingilakilingo, u mwingilakilingo kunyuma kula; u tāta, u mwingilakilingo. Uswe tuli mbeyu syābo. “Kangi abēne bākalondesyága a Kāya Kāko u Njengi nu Mtēndeki āli Kyala.” Ameni. Abēne bālōndesyága.

<sup>161</sup> Kangi, umwīsyūgu, imbeyu yābo yikāli yikulōndēsya a Kāya akākwsa, bikuyoba, “Une ndikulonda ukuya gwakwifwanikisya ku kisu iki. Une ndikulonda nakimo ikya kubomba ni kisu iki. Une ngulonda, une ngulondalonda a Kāya aka kayengigwe nu lwalo ulupelelesye. Une ngulōndēsya a Kāya aka kali nu Būmi Bwāsyépwa, kūko ilisuba litisakwīngilamo siku, kūko kutisakuyamo siku ubukāngāle, kūko kutisakuyamo siku ubufwīlwe pa kiboko kya kifigo, pamo ilipūmba pa



lubafu lwa kām̄ba. Une ngulōnda a Kāya kala, Yūyo Njengi nu Mtēdeki, gwa Kyala.”

<sup>162</sup> Yilipo i njila yimoyene itolo ukukāga akēne. “Lyālipo pala Ībwe lukēkigwe ukufuma ku kyāmba, kisita maboko, ili lyābungulwīke ukubuka nkīsu nukupūsānia ikyēne mōsa, kangī ikyēne kilinkwīsa ukuya ngati ngano. . . pamo amakāndi pa kipālo kyakupētēla.” Ūnko Ībwe lila, u Kristi Yeso; lili Ībwe-lyakutabania ku kīsu, Ībwe lya lusāmbūlo, Ībwe-lyakusekīgwa, ilyālābwe-ilyakutabania ku kipānga; lōli ilipala kangī Ībwe-ilipala ku mwītiki, Ībwe lya busisimikisyo, Ībwe lya butusyo. O, mwe!

Ngutusya! Une mmenye ukuti une ngindile ukufuma ku bufwe ukubuka ku Bumi. Umoyo gwangu guli pa butusyo. O! “Isaga kwa Une mwesa mwe mukusukulika kangī muli nu nsigo unsito, kangī une ngubapaga umwe u butusyo ku moyo gwako gosa.” “I—i kimanyilo iki kibagile ukuya kiyobīgwe ububībi,” alinkuyoba u—u nsololi kwa Mariya. Ikyēne kisakuyaga kimanyilo, naloli, ikyēne kisakuyaga. Lōli Ikyēne kisakuyaga busisimikisi. Ikyēne kisakuyaga lugano. Ikyēne kisakuyaga bwīkutisīgwe. Ikyēne kisakuyaga kindukimo iki ugwe umenye ugwe ukindile ukufuma ku bufwe ukubuka ku Būmi.

<sup>163</sup> Nkundwe gwangu, kalumbu gwangu; ukuya nkundwe gwinu, ukuya gwambombo gwinu mwa Kristi, unko une mbapepekege umwe, ukuya ndumbula yangu yosa. Komma umwe ukwītikisya iki kubūkege ukukilania pamwanya pa mutu gwīnu, pamo ukubūka ukukilania umwe, pamo pāsī pa umwe. Ambilila Ikyēne mu ndumbula yāko, kangī ugwe kuyaga mūndu nhoboکه pa kīsu.

Une ndikukufinga ugwe kuyaga na madola maelifuelifu. Umma, nkulumba. Nkundwe Leo, une ngwinogona kulipo kwīngi fiyo fya ikyo kifīngīgwe lilino, “maelifu-elifu ga madola,” ifindu ifi abakindanekindane bala bāyobile. “Linga ugwe gwabagīle ukuya Nkristi, ugwe āngali kukaba amadola maelifuelifu-elifu kangī ugwe kuyaga nnyambala nkabi.” Une ndikukufingila ugwe nakimo.

Une ngubafinga umwe iki, ikindu kyene iki une mbagile ukufinga kwa ugwe: Ubupoki Bwake. Iipiyana Lyake lifwene pa lugelo lulibosa. Abāndu pa Pentekosti, abēne bakālondīlēmo na iki abēne bāli nakyo. Lilino yoba isya bakabi maelifu-elifu? Abēne bakālōnda mma iki abēne bāli nakyo, Kalumbu Angie.

<sup>164</sup> Une ngulonda ukukupilika ugwe kangī Gertie ukwimba, limo mwa masiku aga (Kō kūgu umwene aliko?), *Undungu Gwa Kwisilakukaya*, limo mwa masiku aga. Bingi ba abēne babōmbile bakilenie umpaka ukufuma kabalilo kala. O, mwe!

Abēne bakāsūmile ifindu ifikulumba. Abēne bakasūmile i hela. Fiki, Peteri alinkuti, “Siliva na sahabu une ngaya

nayo nakamo, lōli bo iki une ndinakyo, une ngukupága icyēne kwa ugwe.”

Kangi une nguyoba ikyo ikilo iki, binangu. U buhobofu, u lugano, u busisimikisyo, ubu une ndinabo mwa Kristi kangi ubusyūke Bwāke, bo iki une ndinakyo, une ngukukupa kwa ugwe; Une ngubapa umwe, ukuya bana ba Kyala.

Kangi ugwe kwisa nukusyala pa kipingika linga Kyala akukōlile ugwe, kangi komma ugwe ukusumuka. Akabalilo kako ugwe kwisa kilabo nkilo, ugwe kwisa pamo ukwingila nkati muno nukusyala mpaka icyene kimalike, pamo isaga kuno kangi uswe tukuyaga pakwīpūta nukwāla amaboko pa ugwe. Būka. . . Ulo lo lubātiko lwa i Bāngéli, bika amaboko pa bēne kuli Mbepo Mwikemo. Kangi polelo uswe tukubuka, ugwe būka ku kāya kāko. . .Linga ugwe kusyāla papapo apo, linga ugwe kusyāla ikilo kyōsa, ukusyāla ilisiku ilikōnge, ukusyāla ilisiku ilikōnge, ukusyāla ukukīndilila amasiku gabutūsyo, ukusyāla mpaka ilyakwānda lya kyīnja, kangi syāla kīndililaga, syāla mpaka.

<sup>165</sup> Ikyo, kilikyosa iki uswe tukagīla ukufwana kilabo nkilo, ukubanangisya umwe mwi Bangeli iki kikufimbilisigwa ukwisa, kisakwisaga. Kangi akabalilo kāko Ikyēne kikwīsa, polelo gikayako imisyētāno igi gikufwāna mbukubīlwo. . .Ugwe umenye ugwe ukilenie ukufuma ku bufwe ukubuka ku Būmi. Ugwe gwe kipeligwa ikipya mwa Kristi Yeso. Amabangala ga buhofu ga Kumwanya gisakukuba.

<sup>166</sup> Nkundwe Othal, une ngukubūla ugwe, icyēne itolo kikukubika ugwe kwāk’umoto. Umwēne yo ndumiana ugwaiyolo utūgēsye apa, u nkūndwe ugwaiyolo ugwa une, uyu āli gwa kibugutila kya bahīyi ikwēnda ni ndusu pa lubafu lwāke, uikulōndesya u mūndu ukusyūngutila i nguto, umunduyumo ukupufula amabōngo gābo pānja. Kangi fiki fyābonike? Ilisiku limo umwēne alinkukēta nukwītika ku Būmi. Kangi umwēne alinkwēnda nkyēni. Umwēne alinkukōnga ingomano syāngu. Kangi umiāna umpelakisa, kisisa nakyō nakimo ikyakufwāna ukulya, kangi ālāmbalalāga nukugona ndīsu pa lubafu lwa kihema, ali ni njala kangi ukūmilwa. Kangi ilisiku limo u Mbepo Mwikemo isile. O, nkundwe gwangu, icyene kyakusanwisye ugwe, bule icyēne? Ikyēne kyātwele u Būmi, kangi kyālyēgile ubufwe ukusōsyāpo. Ulubēngo lulinkusōkāpo, kangi ulugano lulinkwīngilamo. O, mwe! Ubulugu nu bwīte fyōsa filinkūgwa; u Būmi ubupya bukwīsa nkati.

Keta kuno ku abangi ukubāsania na abāngi, abangi ukubāsania na abāngi, kangi ukusōka ukukīnda pala. O, amabangala ga buhobofu ga ku Mwanya gakukuba! Binangu, yikayapo i njala nayimo kuli une ukukiyoba icyene.

<sup>167</sup> Pilikisya, ukuti une mbagīle ukukileka iki, linga ugwe gwītike ubukēti bwāngu, ukuya mbōmbi gwa Kristi, kangi

ngelife ukubanangisya umwe ukufuma ku i Bangeli Iya Kyala Ikyene kyo kitalusye. Kangi Iinga amasyu gangu gikuboneka ngati agene gabagile ukuya itolo mahesya panini ukufwana na iki, keta ku kifwani kila nkisu kyasayansi. Ketsya i kipaso, ukuti i Mbanda ya Moto iyi yalongolife a Bana ba Israeli, ketsya i kipaso Ikyene kikapapa. Keta iki Ikyene kikubomba, iki Ikyene kikukubula.

Ikyene kikaya une uyu ikuyoba; Ikyene yo Mwene uyu ikuyoba ukwisila mwa umwe, umwe muketile. Ngaya yo une uyu ikuketa imboniboni; Ikyene yo Mwene uyu ikuyoba ukwisila mwa ugw. Ikyene kikaya yo une uyu ikubumbulunya ababine; Ikyene yo Mwene uyu ali mwa ugw, ikubumbulunya ababine. Ikyene kikaya une uyu ikulumbilila; une ne gwakunyuma gwalutende, kangi ngubopa ku lilalila ilinogono, loli Ikyene yo Mwene uyu ikuyobela ukukindamo. Une ngamanya i Lisyu; loli Umwene amenye Iyene. Ikyo kyo kyene. Ikyo kyo kyene. Ikyo kyo iki Ikyene kili.

Kangi pala Umwene alipo. Kangi u Gwandumi yulayula ugwa Kyala ali papapa apa mu nyumba iyi ikilo iki. O, mumo une nunganiile Umwene!

<sup>168</sup> Lilino balinga bikulonda ukwambilila u Mbepo Mwikemo? Ega ubupime bwa bumi bwitu. Balinga bakalyambilife Ikyene, kangi bikulonda? Fyusya ikiboko kyako, yoba, “Nkundwe Branham, ubusolofu bwa ndumbula yangu, une ngulonda ukwambilila Mbepo Mwikemo.” Kyala akusaye ugw, kulikosa.

<sup>169</sup> Balinga ba umwe mwe mwambilife Ikyene, kangi mukulonda ukubuka bo abene babombile ku Imbombo 4, kangi yoba, “O Ntwa, O Ntwa, golosya panja ikiboko Kyako ukubumbuludya, nukunangisya ifimanyilo ni fiswigo mu Ngamu ya Mwana Gwako umwikemo Yeso, kangi mbapo une ubukifu nu lugano, ukuyoba, kangi ulwisusyo ulupya”? Ena, apa kilipo kyangu, nina. Kyala, mbapo Ikyene kwa une.

Unko uswe twinamisye imitu gyitu, mu bwanaloli-ndumbula ubwa busolofu ukukinda, umundu aligwesa akolelile ikinyonywo kyako mu ndumbula yako.

<sup>170</sup> Ntwa Yeso, uswe tukwigala ukukomana ukunini uku ikilo iki, ukufuma pa bulilani ukusyungutila i Lisyu na Mbepo Mwikemo. Mumo Umwene atusayile uswe nukonelela panja mu ndumbula syitu amafuta ga Lisyu Lyake! Abene bo balumbilili, abene bo nyambala apa aba bali njola syosa isya bumi, aba bonjile nukuketa u Ntwa yo nnu. Uswe tumenye iki u Mbepo Mwikemo ali lilino, ulufingo Iwa Kyala. Ukyene bo Bumi bwa Syepwa ku bandu bingi aba bikwitika.

<sup>171</sup> Kangi uswe tumenye ukuti u Mbepo Mwikemo aali yo Mbepo gwa Yeso Kristi aatumile ukugomokela, kangi Umwene ali mwa uswe umwisyugu. Mumo Kyala ali pamwanya pa uswe, mu Mbanda ya Moto yila; polelo Umwene alinkwenda na uswe,

mu. . . u mbili ugu gwākoleligwága *Imanueli*, “Kyala na uswe”; kangi lilino Umwene ali mwa uswe, ukwisila mwa Mbepo Mwikemo, Kyala mwa uswe. O!

Yeso aatile, “Pisiku lila umwe mwisakumanya ukuti Une ndi mwa Tata, kangi umwe muli mwa Une, kangi Une ndi mwa umwe. Umwe mwisakupilikisya icyène ilisiku lila. Panongwa yakuti, umwe muli nkisu kya ngisi, bo ukuyoba, lilino, loli pisiku lila umwe mwisakupilikisya.”

<sup>172</sup> Tāta, icyène kikābagile ukutēndekigwa kyāpabwēlu kangi kipēlelesye, panongwa yakuti polelo uswe āngāli tukaya nako nakimi icyākuyīla nu lwītiko. Lōli imbombo syōsa isya Kyala sikulagililigwa nu lwītiko. Kangi nu lwitiko mu Lisyu Lyako, ubuketi bwa Mbepo Mwikemo ukuti uswe tumenye lilino, Une ngusūma ukuti u moyo guligōsa ugwanjala nkati mūno gwisakwīsusigwa na Mbepo Mwikemo. Bala bābo bakalinakyo Ikyene, kangi bikuya ni njala ku Kyene, itolo kumbukilaga. . . Uswe tubagile ukuyoba ku bene, Ntwa, bo ulu Ugwe gwāyobile, “Nsayigwa gwe uge akabalilo kāko uli ni njala ni kyūmīlwa. Ugwe kwisakuyaga mwisusigwe.” Ulo lo lufingo. Kangi ulwēne lusayigwe ukuya ni njala. Ugwe gwe nsayigwa nukumanya ukuti Kyala āyobile kwa ugwe, kabuno Ilyene lilinkuti, “Nayumo umundu abagile ukwisa ku Myangu penepapo Tata Gwangu ikunkwaba umwene.”

<sup>173</sup> Kangi, Ntwa, bala bābo bali basikali baiyolo apa, abēne babikile mmwanya amaboko gābo. Une nāli nago mmwanya agāngu. O Ntwa, tupapo uswe a maka, tupapo uswe a Maka ukugolola panja ikiboko kya Mwāna Gwako umwīkemo Yeso, ukuti ifimanyilo ni fwtwigo fibagile ukubōmbigwa, ukuti ubwēne bubagile ukuya kutumigwe ubusolofu, ikindu ikikulumbapo ukukinda iki kibonekemo siku mpaka na lino. Tupapo uswe ubukifu nu lugano, ukuyoba ku bandu. Tupaga icyene, Ntwa. Yaga na uswe mu findu fyosa, uswe tukusuma mu Ngamu ya Yeso.

<sup>174</sup> Kangi kilabo nkilo, Ntwa, apene pali isaga pala u mbelo ugwamaka umbopabopabopa, ukugwa mu nyumba iyi, ukuti icyène kisakuyaga itolo bo i Lisiku ilingi lya Pentekosti. Ulwalo lwāligwe. Kilikyosa kitendekesigwe. Ingambako sigogigwe, ingwāta undupano sigogigwe, ing’osi inyāmbala sigogigwe; i mesa yitēndekigwe, abahesya babilikigwe. O Ntwa, tuma u lusekelo lwa jubili lwa Pentekosti, kilabo nkilo, ukwingila mu nyumba iyi, kangi isuya umoyo guligosa nu losyo lwa Mbepo Mwikemo. Tupaga icyene, Tata. Uswe tukusuma icyene, mu Ngamu ya Yeso. Amen.

Uswe twisakumanyila ifindu fingi,  
Uswe twisakuya ni lipāngo ili litēndekigwe  
ukufuma ku golidi,

Lumo isambo elifu yumo;  
 Uswe tukwimbaga nukuywega nukumoga  
 palipōsa,  
 U Kang'osi isakutufyūlaga amasosi gitu;  
 Uswe twisakuya nu ndungu gumo unkulumba  
 ugwakwisila kukaya,  
 Ifyinja fyākwānda maelifu kalongo. (Ameni!)  
 I Lilopa ilipala lya Mwanundumiana gwa  
 Kyala Mwene lisukile nu kukemesya  
 Abaswīgisyē abāndu ku Ngamu Yāke kangī  
 abēne bikukōlelīgwa Nsingilīgwa.  
 Palema nalinga apa bakanigwe kangī  
 bafuyuligwe, ilisiku limo u Ntwa isakutwala  
 Bala abasalīgwa bala nkati nkipata, kangī ikyo  
 kyo kya ntengo gwafilifyosa.



*NGIMBA U MBEPO MWIKÈMO ĀPĒGIGWE KULI FIKI? KYA59-1217*  
(What Was The Holy Ghost Given For?)

U MBEPO MWIKÈMO IMBĀTIKANO

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Kina namayolo, Disembala 17, 1959, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)